

十餘年如一日君持已以謙接人以敬遇文士益曲謹且優禮之逾常數君至性醇篤孝於所生視膳問安靡間昕夕親闈邁疾常焚香露禱願自減天年以延親紀翼日果瘳復十餘年親卒君哀毀骨立不欲生凡所以飾終而追遠者無不備德配黃淑人柔嘉維則內助賴之子三人長鳳儀例授州司馬次即素臣季鳳章以千戎赴閩供職君卒於咸豐丙辰年年五十二予竊喜君之能以忠厚起家以恭儉訓俗而素臣昆季皆克自樹立則天之所以報施之者正未有艾也故樂爲之傳

咸豐十一年四月

辛酉科拔貢候選直隸州州判

通家教弟蔡 鏡頓首拜撰

九霞公傳

丹崖邑西九霞公其翹楚也公爲靜齋翁喆嗣其玉昆皆紹成家業而公好讀書承父兄訓下帷力學涉寒暑不輟博稽典墳有疑未晰處無不潛心研究故能衍孔鄭心源探朱程理窟爲文章行間有經籍光下筆安章宅句不妄抒其藻沈鬱頓挫奧博無涯矣及應縣試邑尊得其文擊節稱賞遂拔前茅府試亦受知于郡守擬奪標其與同儕處尚論古今採名家著作揣摩而評荐之或是或否論斷瞭如指掌令人茅塞頓開奈數奇爭上強臺屢戰屢北然矢志愈堅不敢自謂已足負笈擔簦執經問難尋師于百里之外久之學業日進才名愈顯爰貢入成均因而簡練制藝於花樣入時者沉心摩仿一切篇法股法句法及聲調朗暢興高彩烈諸藝所擬即肖群謂悉合時宜以此奮戰文壇定當高樹一幟至諸凡家務細大皆捐雖田園日

益增置產累萬金而會計出入悉委內助襄家政者亦識字知書能以一身肩其任鷄鳴戒旦只期博科名以遂生平之願無何中年捐館莫慰苦心昔余在郡中試寓聞公名欲造訪不果而公亦嘗與友朋將求爲文字交奈客邸寄留未久不獲晉接洎余遊寧川而伊人已杳空懸墓劍而已其嫡嗣受業余門下讀書頗有質至於人情世故雖髫年無不洞達接見賓朋彬匕有禮昔人有語云王家子弟優者龍鳳劣猶虎豹此其是歟

咸豐十一年歲次辛酉

廩膳生天台陳景崧拜撰

雲韶公行略

公少岐嶷及長浩落負奇氣遇事敢爲凡屬公舉類多倡先且善排解鄉里有持鷸蚌者得公一言以釋家素豪喜任俠好交遊一時英傑皆歸之而聲稱遂藉匕焉歲已未處郡被亂遐邇戒嚴公奉憲令出爲團長擘畫周詳練卒爲用賊聞爲斂跡鄉里賴之以寧由是名益顯故蒞此土者率多過而見之當時以爲榮今年方踰冠已隸籍州司馬致季弟爲營千而仲弟入庠亦係公預爲培養之力也迹公之所爲則將來之造就豈易量哉

咸豐十一年歲次辛酉六月

通家兄廩膳生厲以須拜撰

王姑母事狀

姑母者烏嶼坑王公維梅配也姑母之爲室女年十二三先大父大母並後先即世先伯考未毀齒而先府君甫三歲姑母乃以府君乳之於隣母隣母入山樵采先府君往匕隨之顛躓啼哭至失聲過者不忍聞姑母返之躬自撫育買餅餌哺之不足繼以糜粥自是失乳夜則遺矢溲便時時汚茵蓆姑母欲撻之未舉手先府君已泣姑母亦

泣曰若己無父無母嗚匕一室惟姊而依即非吾弟豈忍撻耶復扶抱以寢遲明取裙襦自浣濯焉如是者數年而先伯考之衣履縫紉炊爨瀟浴皆姑母任之姑母自奉則衣冠食啻薪米外無一浮費嫁之日悉仍先大母服物器用以爲奩即一白鏹簪亦不肯備曰吾不欲肥己以瘠兩弱弟將登輿先府君牽裾泣曰姊去耶姑泣而給曰否移時果去府君倒地哭欲絕族父母及姻戚之戚獲皆爲流涕時

姑母年十七其歸維梅公也公鬆弛不治生產家業折耗殆甚貧無以自存公客游滬上數載姑母日夜紡績晏如也咸豐三年歲大荒先府君爲負米於仙居得不餓家無一畝田每歲耕於山以自給春耕先府君荷鋤往爲之耕匕畢乃返秋收亦如之姑母愈刻厲勤苦督子女不少懈此維梅公歸子三女一各誠謹勤儉皆姑成之也公仍不以家爲計公卒時家漸裕至姑母卒家已中人產云

論曰予嘗聞先府君曰我之所以有今日爾姑賜也然豈獨予家王氏無姑母亦無今日有一於此世猶將賢之而况兩家耶

光緒二十六年歲次庚子冬月穀旦

內姪陳浴東謹撰

外父鶴軒王公傳

公諱隆壽字彝興號鶴軒國元公子也世居甯溪公始遷於城以商業起家爲邑中巨擘吾黃商務之盛公實倡之少孤露天性純篤六十以後述及先德猶戚然有餘哀生平正以持已和以接人居積任使超異凡俗故吾鄉之貿遷海上者皆不免酒食相徵逐而公與陳紹松翹然表異始終如一計伴臧獲用當其材能而勤慎時有所潤益遇地方公舉無不輪助巨款以爲衆率城北利涉橋者南北通津也經理非人百事頽廢載胥及溺時以病民公倡捐新造議籌善後適爲當事侵蝕未竟厥功歲戊戌間公嗣君鏡泉出貲造船而魯望莅其成既堅既好溢爲頌聲皆公之貽謀有以啓之合邑童子軍歲科兩試向有納卷資費公於光緒元年獨出已財創設崇文會以免之又於五年助錢壹千串爲文武鄉試賓興之資他若賑濟義穀埋

屍掩骸隨事濟人不能縷述也近世人心不古風氣漸奢其稍擁厚資者輒侈然自足公獨克勤克儉履豐若嗇處家人子弟嚴而有制本身作則垂爲家法魯望於壬午倅登賢書隨侍公於滬諄匕然以辨色即起衣必布素勿攜僮僕常相勤勉昕夕間每察動靜若恐望之囿於習俗者於乎是可以概公之行誼矣配鍾恭人溫恭慈惠克相有成生子三長士英字鏡吾庠生五品銜福建鹽大使次觀成字鏡泉貢生次士芬字誦甫庠生候選同知孫男八人寶珣監生 庠生傑侑生餘皆業儒女子五滕翰朱輔聖丙子舉人福建知縣林元榮張敷幹及魯望皆壻也公以士英貴遇 國家覃恩受四品封典公卒之後有司援例請祀賓興祠其嗣君輩皆能仰承先志不惜餘力以修葺宗譜云

導望曰五福之次備者綦難公累資巨萬樂善好施考終於家年已

七十有六蓋可謂五者來備矣公卒之年子孫女婿內外長幼凡爲公之所自出者無一天折夷傷至於今猶嘖嘖聞里間非公之餘福貞七蔭及後人固能若是歟語曰道隆者福至德盛者後昌吾觀於公而益信矣

光緒庚子 歲同知銜議叙知縣丙戌壬辰會試挑充國史館會典
膳錄壬午科舉人婿江魯望原花名述

兆江公傳

黃巖風土唯吾西最醇但市習儂澆居其間者不能不稍爲沾染若夫秉性最厚皎皎不污者其唯我王公乎公諱兆江字彝城世居甯里少時負豪氣嘗與星族祖角逐于山之麓人咸謂其有不羈風及長重孝慈敦仁讓睦嫻任恤藹如也迨其後子孫成行猶能不惜重貲建宗祠以妥先主亦其孝思之性至老而不倦者卒之天假之年猶妣陳氏俱享大耋以無疾而終正寢孔子曰仁者壽公其人歟

光緒二十六年歲次庚子冬月

同里陳夢星頓首拜撰

七十有六蓋可謂五者來備矣公卒之年子孫女婿內外長幼凡爲公之所自出者無一天折夷傷至於今猶嘖匕間里間非公之餘福貞匕蔭及後人固能若是歟語曰道隆者福至德盛者後昌吾觀於公而益信矣

光緒庚子 歲同知銜議叙知縣丙戌壬辰會試挑充國史館會典
膳錄壬午科舉人婿江魯望原花名述

兆江公傳

黃巖風土唯吾西最醇但市習儂澆居其閒者不能不稍爲沾染若夫秉性最厚皎匕不污者其唯我王公乎公諱兆江字彝城世居甯里少時負豪氣嘗與星族祖角逐于山之麓人咸謂其有不羈風及長重孝慈敦仁讓睦嫻任恤藹如也迨其後子孫成行猶能不惜重貲建宗祠以妥先主亦其孝思之性至老而不倦者卒之天假之年偕妣陳氏俱享大耋以無疾而終正寢孔子曰仁者壽公其人歟

光緒二十六年歲次庚子冬月

同里陳夢星頓首拜撰

肖巖故交仁長兄傳

余舊好王君諱鳳翔字象霖肖巖其行於世之別篆也實邑寧川中宅中遊大學士祖菁陵坐監肄業爲村里衿式君子考崑山亦報籍成均賦性質直取予不苟遇不平戾俗者流怒形於色不肖子弟咸震懾焉石奮王烈於今乃猶見之君幼承先德不失天真讀書不就入資爲上舍生因親老指繁學范計術以洪大其室督責弟若子姪輩專意莘耕使老人得開笑口延師擇友門第黜鄙陋風而庠序聯翩卜慶乃時喧駭矣甯溪里許曰潭頭埠商旅紛集地也君於其間設竹木肆以通有無臨太天仙及夫溫之永嘉樂清行李往來恃以無恐信義孚於晉接凡作客者不憚以千百金遙相委寄蓋是非羸縮君之所爲曾不動人疑忌大日無煩引證也嘗於臨邑葭芷及本境南鄉梁棚嶺收債遇強染者各攫取貳叁伯金得黃姓葉姓故好深重君之品誼爲之追復匕爲獲犯送官君輟然曰我山溪人但求獵犬還家不望野羊鹿鹿敬謝厚施已耳人於是嘆君之仁且以爲識大體通世務云作屋闢基輪奐大啓山場田隴數過前遺者倍計而孝友可風親情族分悉愉適焉王氏大族非無恃氣逞頑以非禮非義隕先世名德訓者有遠派者妒君公正欲以暴_與相加_事夜伺途持刀俟斃君不得已揮涕而罪之公庭自是里黨安謐後則近支縱志君父若叔亦似不能輕恕者君力阻曰先人血脉當忍耐處也卒以和好相酬應嗚呼如君云爲吾輩所兄事而滋愧者不及中壽而沒子曰治詩書承業兼通黃帝岐伯之術善於活人人以爲植身之報云

光緒二十六年歲次庚子冬月 穀旦

愚小弟萊苑陳粵東頓首拜撰

堂伯毅生公傳

穆宗毅皇帝之三年粵寇平天子詔書旁下敦促督撫凡省府州縣學舍城垣被賊蹂躪者當精選幹吏圖所以善後之于是撫軍左公宗棠于吾黃則遣吳縣孫公熹至公下車伊始掃淨蕪苻即以學校爲亟匕每鄉延請紳士之幹事者數人屬焉吾鄉南渠書院堂伯父谷生實董其役伯父固嘗有德於鄉者也鄉人聞此舉咸醵金相助不期年而事集廳堂廡座規制擴如又捐租谷百餘石并孫公以院左隙地作爲鹽販儲峙之所徵其稅入歲可得百餘緡而學師脩脯以及終年修葺之費俱以不匱又慮吾鄉實興之典曠而不舉也于邑之南門開凡商貨出入坐收其稅歲可得千餘緡而吾鄉之赴春秋兩試者由是得以壯行色而益奮于學先是西士之青其衿者艱於行李省試俱不敢赴而學業因之就荒有強赴者則咸匿笑其不知量焉先大父終身不與試臨沒猶以爲憾及南開設局面鄉人士無不省試矣自庚午後鄉之賦鹿鳴者踵相接僉以爲伯父功而伯父不屑也南開之稅向爲城紳所把持以境當其衝也然商貨出入西人居其十九蓋西商以竹木楮幣運之東南而易其米鹽以居邑城之人固不得有稅權也然猶倚勢攘奪伯父挺身與爭而孫公亦眷西士甚殷爲之稟覆上臺卒以得直故公之功西人士亦咸念不置云伯父性嚴毅居恒不假人以顏色鄉之桀驁者見之俱懾服焉歷任邑宰皆重其行陳公寶善以崇義篤禮扁額旌之撫孤侄自呱匕以至成人教養備至堂兄輔仁時以爲言以郡庠終于家娶德配戴氏生五子肖文兄其次也賦青衿後即使幕游之閩居停推重不墜其家聲云佩韋自象勺之年數蒙獎借今鬻匕無能名在不士不農不商之例中夜傍徨無以爲計今忝作伯父傳彌滋愧矣

光緒二十六年歲次庚子冬月 穀旦

廩生嫡堂姪佩章謹撰

岳父王公揆一傳

公諱文節字象珪別號揆一世居甯溪五透以務農爲業至公兼服賈焉始無多資惟行商是給後漸居贏于本街之牌坊下設有市廛然性慷慨好施與登壘斷以罔利者迴別于宗族中尤多厚意同族有象璋者貧不自存一切資用嘗仰給于公公任其取携不少吝一日又告之曰此終不足于爾也吾爲爾謀給爾資以行小貿易獲利則爾取其息我取其本較爲有常不數年象璋卒遺有一妻二子妻另適人攜其幼子曰疇去其長子曰敏亦尚幼無所歸公曰爾于我家焉衣服食用皆與家人無異又爲代塋其父至今曰敏猶能言之咸豐辛酉粵匪作亂竄入甯溪公以避亂私藏錢百餘千於室旁水

井中里人某竊之去公置不問或告公曰吾能爲爾證公仍置之不問蓋長厚其天性也中年後家漸裕新置有田宅移居中宅傳家東旁而心終以商而不士爲憾因援納粟例爲太學生有子尚幼即出資延師曰不讀書明理終非所以佑啓後人也孺人陳氏亦能相夫教子光緒丙子公弃世子尚未成立孺人督率維嚴不使廢讀支持門戶身任其艱雖勞動不恤也有男二女二長子名治平字蕙階乙酉科佾生次子名曰銓字蕙生始亦業儒後改爲商以世其業長女適周仁柯次即予妻也孫男四人今歲公族人修譜蕙階亦與勸其事來言曰君知家嚴最悉幸有以紀也余不敢辭因謹述其崖略如此

光緒二十六年歲次庚子冬月 穀旦

女婿丁酉科拔貢毛宗澄謹撰

族叔祖象行公贈言

古人有言厥考作室厥子勿克肯堂厥父析薪厥子勿克負荷此豈惟縉紳先生之憂即家鄉田舍多收十斛麥亦不可數世得或求田未畢而土已易主或問舍方殷而俄更他族其忽起忽落之故非必風土之瘠薄不可圖久遠亦非其祖父無以裕後特由其子孫無以承先也余幼從母舅林師肄業於叔祖家塾習聞其先府君勤儉之訓時君在垂髫讀書不甚有解見而謹飭樸誠少成若性時流露於應對動靜間師嘗指以示某曰爾輩輕狂嬉戲雖姿稟略優不若此兒行止穩重可以承先業余初不之信也越二年又同受業於陳萊苑先生先生亦以此推勉余仍傲睨自若既而府君以近朱受赤家燬於土豪垂十年不得安耕鑿而君已成立捐筆硯能爲府君肩家政家賴以勿替府君信其才乃倦勤焉所謂承先者非歟君兄弟四

人分爨於同治某年長兄象恭早卒君善視孀嫂田園種植如一家俾得守柏舟操終讓繼於二兄象遠之子而君家亦日以檢視府君罔不逮然則二師之言不誠可信哉余聞君先世自雍乾間力田起家府君同父三人皆綽然稱素封而府君爲之長今二族漸不振而君昆季中惟君爲翹楚此外他族亦非無特起人大要祖起而孫落父起而子落又或及身而遂落子家亦起於乾嘉之季當同學時視君不甚妍蚩今則堂圯而不肯薪盡而不荷其此則非裕後之不誠特以承先之未善其猶可恃姿稟之優視樸此樸誠謹飭者乎余益信師言之不謬即以此言贈謝君並以告族之爲後嗣者君納業入太學二子曰匪曰垂三孫俱詳世傳茲不贅

光緒二十六年歲次庚子冬月 穀旦

橫街族侄孫蓬徒甫臣續贈

宗弟子棣行述

子棣予友也世居寧川元湖堂太學生汝賢公之四子名澍棠字象濃者是也咸豐之季陳師萊苑設帳斗潭子棣偕二三昆季負笈來遊與予同堂受業予詢其故蓋因避患而來一時溫語撫循恍似新桐初引也越數年陳師假館其家予又來依門下遂與子棣成莫逆交每當夜月淒涼談及風木之悲鴿原之痛未嘗不涕霖如雨時予方有室而子棣亦於仲冬月成禮於庭生平循分守己視聽言動勿踰禮中年改業經商大虧子母加以夢徵炊日琴慨續絃次君又因足疾而殤家難疊遭世業稍餒而子棣處之裕如不少變志斯亦人之所難數年前有以長嫂之繼爲子棣謀者子棣讓諸侄輩不與爭其輕財重義也如此今上御宇之初援例入太學子棣歛跡愈密以視奔走形勢者相去又奚若也他如治家之道處世之方不暇備述

予自癸巳歲家此復與子棣晨夕徘徊具道契闊子殤家罄同病相憐言之不覺淚下乃者子棣乞余述其事余不辭窮陋並詳顛末亦牢騷解嘲之意云爾生娶子女在譜不贅

光緒二十六年歲次庚子冬月 穀旦

欽加五品銜賞戴藍翎太學生

宗弟勒勳甫紫珊頓首拜撰

族兄曰斌傳

己亥秋譜事方始予逡巡畏縮以經費無措不敢任也族兄曰斌以大義見責並請爲之臂助始克竣事于是兄年七十有四矣精神矍鑠凜如也自咸豐辛酉先大父董譜事兄亦與其役以一身襄事者再族人榮之兄十餘歲慘遭大故偕弱弟以居爲之娶婦并爲娶媳俟諸侄成立始析爨遇公事義形于色里之白雲菴其捐建也寧川

以西彌望皆山中留一線之溪其源即邑志所載大橫坑也居民沿山而處成以數百計以數十計俱于四八日赴甯川市山水回環往來皆困兼坑曾君子赤號稱三十六渡主人其病涉可想也曾君鑿山開道化險爲夷其費皆屬兄捐集後洋故有湖山書院族祖湖山公所建也今則故址一堆而已兄即其基以建祠宇先靈咸妥予家與兄三世神交知之最深不可以不傳因爲傳

光緒二十六年歲次庚子冬月 穀旦

族弟佩韋謹撰

曰業公傳

公諱懋功譜名曰業號豐山性敦篤少負遠志援例貢成均平生好讀古書於星術外而地理爲尤精在公初志祇圖自厝其先世墳塋已耳誰知考察倍力而聞望益隆聞望隆而邀求益衆以至因求赴

召遐邇間爲人擇地而埋藏者計數十餘所卒乃吾鄉之詹地理與夫業星術者必踵門正之公公應之不少秘家素清日用費用一切罔勿儉惟奉親必從豐略同曾子養親之意焉兄弟五公行二其行四早世遺四子俱幼不能自衣食公撫子如己出敬恤寡嫂沒齒不衰居近市好排解任勞不倦有朱郭風對與昆弟子侄輩講涉世之方與夫陶朱治生之道經營數載稍恢先業析產業自取其礪而腴者以予昆弟及諸姪以故門內翕然里鄙咸企慕焉然猶可嘉者曾共族人於光緒庚辰孟冬設立天香堂公所基址闊大棟宇宏深兼擇日子始則爲方族議事計今則以議事之所改爲學校之場得使族中及外來佳子弟誦讀其中養成有用之材無非乃公爲於建築之功也星故室公女姪也存之日嘗與余言其家庭故事與公平日內行星以此得知公心於素所欽仰者久之其他好施樂善得諸傳

聞未獲目覩暫闕而不贅茲謹質其二三足述者使其家譜之以爲
來葉法

光緒二十六年歲次庚子冬月 穀旦

侄婿同里陳夢星頓首拜撰

舅父王公肖巖傳

舅氏諱希聖字曰賢肖巖其號也以賢授太學生世居甯溪里外王
父象順晚而舉子故男子七惟舅氏一人少令讀書不成去學賈年
十五六即有老成舉動十九娶孺人鄭女也始以布帛轉運爲業後
乃列肆於里之屏風前每起率以黎明爲度事無大小難易必躬親
之雖劇甚不苟焉日中食不暇手執一餅餌且走且食夜三鼓始就
寢外王父母嘗私相謂曰有子如是吾與若無慮矣然惟恐其過勞
而憊誠之曰曷少逸舅氏曰唯唯移時仍如故其性然也與人交不

輕然諾遠近咸信之先是外王父業於農終歲無他故才給蔬食舅
氏以賈兼農鄭孺人又能相焉家日饒足鄉里頗稱爲富者所居無
隙地距肆之東數十武復斬焉新者十數楹光緒二十六年卒於斯
舅氏之生也先一夕外王父夢一羽衣人手持兩石以贈一完好一
墮地折爲兩獮明日舅氏生踰二年又獲一男不育人以舅氏有宿
根歟子四人長克禮次克岳次克松又次克程克禮學於儒先其父
十年卒餘各執父業女五人其幼尚未字孫男四孫女二今歲冬王
氏族譜將葺事群表弟來曰願有述也謹譔次如右

光緒二十六年歲次庚子冬月 穀旦

愚甥丁酉科經魁陳洛東謹撰

堂兄識洲傳

朱子序甫田之詩謂公鄉之有田祿者力於農事今讀其詩良然蓋

周以穡事開基分田制祿圭田以供乘 盛士大夫非躬耕不得以樂
此風固素守而不失也後世諸儒始不屑匕於此顏子有負郭之田
五十畝而不能耕以至簞瓢陋巷蘇季子亦常云匕至若司馬遷畊
牧河山之陽馬伏波田牧北地至有穀數萬斛陶淵明不爲五斗米
折腰勤耕自給蔡西山痛其父以無罪放亦布衣躬耕名不登於仕
版我朝顧亭林耕牧山西顏習齋與諸弟子勤事南畝此數子者類
皆輕世肆志如長沮桀溺者流不肯仕於其朝姑爲此以自污非若
成周士大夫之真有樂而爲之者以故農家者流其書列班志藝文
者迄今百不存一蓋學士文人不屑爲之珍藏故也近世泰西以農
學興國士大夫始乎是究心滬上開學社設報館備採泰西栽植糞
治諸法而著於篇其講究之精詳視周禮測土宜精土化之法而有
功農業之興殆不遠矣堂兄識洲勤於農業者也余每以公事過訪
不於山之阿則於隴之畔其禾黍則莠也然其林木則鬱也然皆兄
之所慘淡而經營之者也雖未嘗究心於農學而究心於農學者恐
未必過之昌黎氏所謂業精於勤也信夫然兄於農隙之暇時嘗出
其餘力爲鄉里排難解紛蓋其居恒善與人交舉凡達官貴人之過
吾境者無不各滿其意以去故事匕恒得其力而鄉之細故兆覺者
遂日接踵於其門矣兄不勝其擾也於鄉之舊址曰天香堂者改而
新之傑構崇宏心力交瘁而事集俾赴訴者咸聚於此兄挽鄉之幹
事者數人公聽而並觀焉徐出片言以折之而群情悅服事息而兄
則仍即田功矣蓋其心力卓絕雖一身而兩役之不爲勞余慨學業
之不成也思欲學爲稼圃而未由兄能秉錄以招我乎當褰裳而就
之矣

光緒二十六年歲次庚子冬月 穀旦

堂弟佩韋謹撰

堂兄仲祺傳

庚子之冬譜事將竣適堂兄仲祺自湖之孝豐以書來屬并附制藝律詩各一乃兄在孝豐藉受知于徐學使季和師之作也名列第三孝豐人士以客藉不準覆試被除名來書頗以是爲鬱乚予愧無以慰籍之也吾宗素號强悍兄在伯仲間獨以謹厚稱少習舉子業困童子試者十餘年已而隨其父鳳儀公陽湖縣丞署中捐授江蘇巡檢非其好也歸而仍就試于有司並習岐黃術迫於家計於光緒十五年挈家遷居湖之孝豐動圖羅村開設藥肆時以其術活人湖遭粵寇亂士人幾無遺種今所居大半皆客籍也主弱容強時有侵陵之勢甚至搶劫之案迭出邑令束手無策兄處衆以和主客咸服歷任邑宰由是任之以村董迭邀扁額之旌一鄉得以安靜無事兄之功也孝豐客藉台人爲多兄爲首建台州會館台人奉兄祿位其中

兄亦不能却也於邑宰林公孝恂尤契挈之石門佐其幕久而益信夫令甲客藉不准與試防誇巧也若既有家室復有田廬則客也而無異於主矣孝豐人士於兄之覆試獨斷乚然與之爭壤其垂成之名豈果有合於令甲之意哉豈所以報其十數年和緝鄉里之功哉抑豈區乚一衿亦有造物者主之而不可強邀哉然予固忝顏而登上舍者也布衣窮居殆將以諸生老與齊民又何異乎其能如兄之望重於鄉乎如是則兄亦可無競乚於一衿之得失矣

光緒二十六年歲次庚子冬月 穀旦

堂弟佩章謹撰

彝川世伯王公傳

孔子作春秋一字之褒榮於畫衮余何人斯敢越俎以衡量人物乎然情有不能已而勢不可却者有一人焉余之門弟子曰清乞爲其

祖父作序記譜余掩耳避席而告之曰凡爲人序事必其人有道德品行或工於文辭者當之斯其人與事俱傳不朽余窮鄉居士言等秋蟬之噪何以彰乃祖之懿行乎卻之愈力彼請之愈堅不得已忘其拙而獻其醜曰彝川公從父秉泰公遷居柔川之大木坑地雖僻壤人盡聰明不舞彩而父母歡諧不大被而弟兄友愛鄉鄰斗狠說楚說秦戚友遭荒助舟助麥緼袍茹素念佛誦經見一切趨利附勢之徒每日笑存之而其所短者未緘金人之訓嘗觸奸人怒以至設井嫁禍幾至傾家幸天道有知卒爲平反或告以反坐之法終不肯爲忠厚待人者大抵如斯公次子象畔公即曰清之父也承乃父英風擴先人遺澤皈依皇極祖述圓頓長齋供佛年四十而嗜獨宿之丸靜養悟空壽耄耄而肖兒童之貌力能扛鼎誠可格天惜火氣未消湮槃有待耳曰清亦讀書之暇竭力躬耕擴充田畝內一坵原田一分七釐

後擴充之計百餘丈長又能以省衣積食之餘資助乃父布施此誠善繼善述

之道也何其後嗣之遲也乎余孫兒華椿趨進而言曰天或者爲之遲回省願擇一功修美滿之神靈生而有文在其手者以爲之嗣乎余頷之曰唯唯儻質之彝川公之靈亦將掀髯而哂曰小子言然民國二十四年歲次乙亥秋月 穀旦

世晚邑庠生嘯伯楊應選頓首拜撰

子明舅父王公行略

王公兆統字子明世居黃巖溪小茅山生平急公好義孝友齊家幼年失怙公弟子霞尚在襁褓姊二均待字在閣公雖年少而主持家務有條不紊姊嫁弟婚無不身任其勞年三十五萱親病染沉疴公乃侍候日久衣不解帶者數月湯藥必親自先嘗衣襟必親自洗濯及後病故一慟幾絕于是家務日繁自操日勤不數年而家道日興

鄉黨稱賢公本農商爲業然好義勇爲不後於人濟貧恤寡無稍吝色有告貸而不能償者即檢券而焚之清光緒十六年鄉被水災鄉人扶老携幼遷徙流離者不計公乃目擊心傷商同鄉紳毛鏡泉陳禹欽周贊廷戴雪門等集款數千元親往定海運米濟困活人無算口碑載道公居小茅山之麓民國壬申七月間洪水爲災山崩宅毀公蘊色但以家人爲恙爲幸且以救濟災民爲己任次年十月重建新宅于田上垵之山措置裕如公營商力田而立教甚善每語子曰讀書所以明理吾家雖不富而書不可不讀公子有四各仰承公意力學成名今長男振揚任濟南兵工廠警衛隊七長次象圻佐理家務三樂坡現任寧波防守司令部第一團第三營七長四志勇任陸軍第一師第七團獨立砲兵營七附各顯其_親而諸孫蘭芽秀茁正在幼學者又四五輩今十二月十九日爲公七十攬揆之辰而王母

今年五十有九椿萱並茂荆樹爭榮際此吉日良辰開北海樽晉南山頌躋七一堂共看萊衣之舞歡聲如雷同祝萬壽無疆豈不盛哉

民國二十四年歲次乙亥秋月 穀旦

現任嘉興公安隊長外甥林夢德頓首拜撰

王公元川偕德配徐儒人傳

公諱象煜字憲焱號元川世副公之亢宗予友拱泉之父也幼承庭訓習儒業聰穎絕倫舞勺之年失怙公上有萱堂中鮮兄弟孤苦零丁獨肩生計於是改業農商億則屢中操范蠡之舟多材多藝居衛荆之室苟合苟完信義昭著既爲羣衆所推崇道德內含尤爲鄉鄰所欽仰而砥節勵行樂善好施數十年如一日也元配徐儒人爲友定公少女系出名門夙嫻女訓溫恭慈惠內助尤多子三長即拱泉與予爲總角交砥礪廉隅裁成後進積學士也次德智有懷投筆執

役行間其成就豈有限量三載華繼承先志亦鄉黨自好士也諸昆季各樹旗鼓相與有成語云積善之後必有餘慶吾與拱泉三致意焉

民國二十四年歲次乙亥秋月 穀旦

前代理四川萬源縣縣長世晚伯敬陳 亮拜撰

王鏡泉司馬傳

余年十六從先君讀書城中時王公鶴軒居司廳巷善經商初起家生有三子鏡泉司馬其仲子也伯鏡湖季誦夫皆銳志讀書游庠後旋入仕途獨君能繼志恒業商中歲與昆季分爨克勤克儉益饒子傑少聰穎刻苦讀書弱冠應縣試拔前茅卒以院試被黜羞憤成疾而殤君悄然曰天喪吾子懲不德也今而後惟有疆爲善補前愆而已於是修北門外浮橋濟行人也創西街回生公所救貧病也城

內舊有育嬰堂以費絀主辦者難之君助千金而經費乃裕黃巖合邑惟西鄉最瘠苦貧民溺女恬不爲怪君曰此惡習傷天地好生之仁不可以不革乃糾合同志首捐巨金擇地烏巖建育嬰堂歲收女孩百數十自是西鄉窮民無復有溺女者周人之急或百金或數十金無少吝而其自奉則粗衣糲食安之若素有以嗇譏者君顧也曰吾以此惜福非惜財也君生於道光戊申卒於遜帝丙辰年六十有九塋東關外九峰岙之麓子二長傑字秀東早卒次楚望字悅堂今歲從余遊讀書之暇能勤理家政庶幾有父風者

柯子曰陽貨言爲富不仁爲仁不富孟子嘗稱引之嗚呼若鏡泉司馬者爲富何嘗不仁爲仁何嘗不富大抵人無論貧富苟存心濟物雖黔婁何礙况富埒陶朱乎陽貨小人也故其言如此烏足以概君子

民國二十四年歲次乙亥秋月 穀旦

光緒丁酉拔貢特授陝西乾州直隸州州判 同縣柯驊威撰

王鏡泉先生像讚

鏡泉先生系出太原世居黃邑精明勤懇忠恕 慈幼體親心克承
商業長承世德大振家聲積粟千鍾解濟親隣之急儲金十萬喜投
善舉之貲造北郭之浮橋濟彼行旅置西鄉之祀產妥我先靈創公
所以濟病民疾爲醫而死爲墓助育嬰以收貧女饑爲乳而寒爲衣
真所謂積德必昌爲善最樂者也而先生則仕不求榮仁能濟衆雖
受封于奉直仍專劬勞以經商范蠡止於陶不爲鄉相梅福隱於市
遠避朝廷恥作宦以病民惟施財以濟衆嗚呼先生可謂近今之豪
士鄉國之偉人也

民國二十四年歲次乙亥秋月 穀旦

仙居應時再敬題

王母王周宜人像讚

維彼宜人濂溪家學少承姆教風豹莊肅長適名門琴瑟和樂家饒
於資荆布從樸陸於妯娌仁及婢僕有茲壺範宜亨遐福胡天不亏
早歸西廡幸而有子以似以續悲涕廢詩哀七刻木從此淑德照人
耳目

民國二十四年歲次乙亥秋月 穀旦

光緒丁酉拔貢特授陝西乾州直隸州州判

侍生柯驊威撰

王母周宜人像讚

周太宜人淵懿幽閒爲周將軍之孫女作王奉直之賢嬪持體以肅
庭盡小心以維家室勤襄夫子克承鐘郝之風誕育賢郎光啓太原
之祚是宜永諧鳳卜同登上壽于百年胡爲遽唱鸞離僅限芳齡於
廿九今其令郎悅堂吟廢蓼我怨深風木痛母儀之罔覲思壺範之
如存追繪遺容藉作晨昏之奉乞題讚語代酬鞠育之恩是用仰淑
德之仁賢借短篇爲揚圻聊體白革之志式揚彤管之徽

民國二十四年歲次乙亥秋月 穀旦

仙居應時再撰句

儒士王秀東像讚

吁嗟王郎慷慨昂藏倘假歲月指顧顯揚胡天不吊弱冠云亡母爲
兒死淚沾衣裳妻爲夫殉節凜冰霜顏淵李賀命都不長莫爲莫致
天道茫茫我來作讚涕泗汪汪

民國二十四年歲次乙亥秋月 穀旦

仙居應時再題

烈婦王張氏傳

烈婦氏張黃巖鼓山肖巖先生女也少嫻姆教莊肅若成人長適同
邑王若秀東秀東家饒於資好讀書習帖括苦志焦思無異寒士年
弱冠與其嫡堂兄仲槐應縣試同拔前茅及院試仲槐游庠而秀東
被黜遂抑鬱成疾未幾而殤婦呼天搶地痛不欲生絕粒者累日然
幸有孕舅姑諭曰婦死誠佳然吾老無子爾又有遺腹獨不爲祀火

計乎婦悟乃進飲食已而產男婦喜甚誓撫孤端居一室不與人近雖親戚到門罕見其面蓋有古共姜之風焉兒甫周歲又不幸而殤婦乃^泣告舅姑曰前之所以忍死者爲有遺復也今已矣吾不可以復生矣其臥室懸有夫像曉夜焚香瞻拜哭^泣聲振四隣不數月而體羸骨立見者憐之婦則慨然曰吾悔不早殉夫今死亦晚矣瀕危前一夕猶拜其夫像一慟而絕須臾復甦翼日盥沐更衣從容而逝時蓋光緒乙未年正月初八日也嗚呼婦之死已三十餘年而其貞風亮節邑之人至今猶稱道之王悅堂者秀東異母弟也今歲從余游因修家乘以傳請余故即其梗概略爲詮次以告世之軒采風者

民國二十四年歲次乙亥秋月 穀旦

光緒丁酉拔貢特授陝西乾州直隸州州判

同縣柯驊威撰

烈婦王張氏像讚

懿彼烈婦厥氏爲張生有淑德貞靜溫良及笄而後嫁與王郎神仙眷屬其樂洋洋王郎苦讀無祿早亡誓以身殉痛不欲生幸有遺腹一索可望姑曉以義乃進水漿已而生子歲周即殤拜夫遺像哭訴衷腸永夜悲號聞者神傷不及一載瘦骨欲僵一慟而絕百世流芳男有信國女有共姜君臣夫婦共此網常聊綴數語用表幽光

民國二十四年歲次乙亥秋月

仙居應時再題

族伯父甫仁先生家傳

先生諱曰治字甫仁世居黃巖之西鄙三歲而孤母戴氏積哀致疾未及再期相繼殂謝二姊撫以成人艸角就傅讀書十餘年不屑七

治章句爲舉子業潛心於靈素金匱諸書自言非食肉相無福衣金紫若區匕青一衿食廩餼不能光五宗耀三黨徒願指於鄉里田舍兒而效齷齪奴啜解呵嚮奔走於仕宦之門仰權貴鼻息豈丈夫哉雖然負販不屑較錙銖耕耨不堪荷鋤來必也爲良醫乎年十七侍季父讀於馮山會季父病出所學投以藥病若失蓋先生業醫之濫觴也里人因稍匕知先生名求治者日衆按症立方悉看成效未嘗索酬曰吾以是行吾心之所自安耳豈賣菜耶而求值乎食指漸繁家以中落因設藥肆博蠅頭以養細弱懸壺於肆以利病人其於就診者調息靜氣細按脉搏人無貴賤無輕重不輕於下筆一也人詢其故則對曰醫能生人而病情有虛實藥性有宜忌時有春夏秋冬之別地有東西南北之異人有強弱老幼之殊况雨晴寒煥山澤原隰勞逸饑飽一時一地一人且各有不同苟非詳探確則豪釐千里動輒誤人生命烏可不慎哉然廉取藥值不索酬如故也業此數十年全活者以萬計卒於民國壬戌秋月年六十有八元配烏巖盧氏不幸早世無出繼配趙前菴太學生朱孔揚公長女係出名門治家有道子三長克慶先公卒次克猷亦不祿次士穎克紹箕裘復以醫名於時孫男四人頭角崢嶸克繩祖武論曰先君子在日與先生爲道義交每疾必延先生罔不見效辛未秋下痢先生已歸道山屢醫不效纏綿一歲有奇嘗嘆曰使甫仁在決不致此嗚呼其可以爲先生蓋棺之定論矣

民國二十四年歲次乙亥秋月 穀旦

宗姪鶴軒甫松如敬撰

族兄拱裳行略

中宅重修宗譜鏡澄以其父行略來屬于予_匕譏陋不文初聞駭然不能以應鏡澄曰文以達意不必引經據典傳貴寫實不必鋪藻揚芬以直叙之筆敷陳其事可也敢乞勿存謙讓予曰此亦何敢言也但予於令尊言行心儀已久實有欲爲里黨及君後嗣告者明知文之所貴博雅深雄以予之空疎無貝自不能免粗陋之誚然推相屬之本意與予所積之私衷特欲借斯傳使後之覽者得以知某世某公其才其德可法可風相與觀感用以起奮顧又何遑計其文之工拙以希冀蜚聲文苑爭名壇坫者哉鏡澄父字拱裳譜名曰垂世居邑西甯溪鎮爲權生公次子予族兄也幼嫻庭訓弱冠後權生公捐館舍兄以家事羈身因棄儒業性堅毅遇事勇爲本街路圳因山洪冲汎每致砂磧填塞兄兩次督工運鑿復其舊觀他若維持學務創辦鄉團葺修廟宇等等事關公益勞怨不辭雖崇祀偶像未必卽爲當務之急其爲熱心則一也鄉隣鼠雀之訟鵝鴨之爭據理直斷無不立解宗族中有興革事或理不可緩者則徑爲之事成而後告於衆衆亦信之非誠信素孚安能動鄉隣宗族欽敬如此哉其持家也以謹飭律身以義方訓子農商立其本勤儉爲之用但勤而不專于私儉而不失于吝晚近社會奢靡偷惰習爲俗尚無一毫振作之氣故萬事墮壞于冥漠之中而道德淪喪風紀蕩然欲求如兄之慷慨正直處事要歸于理行誼可爲世法者顧有幾人兄今年正六十精神矍鑠意態雍容知心之所存者益誠德之所蓄者益厚洵乎今之君子者矣兄原配楊氏早_世繼配鄭孺人爲亢山村望族年少于兄三歲寬厚温恭堪稱內助之賢子二長卽鏡澄是也鏡澄畢業於醫

大學安詳和易有乃父風次克垣束身自好繼業農商女三長珠鳳

適五部鄭昌新次香珠適上鄭陳蒼鎮陳鄭皆一鄉聲望所歸三彩尚待字閨中現已有孫男六人斑爛繞膝穎秀非凡夫人生於斯世其父母積其功德利賴及於子孫而子孫榮昌轉以光其父母此理有必然者由此以徵兄之積功累德其發洩於當前者既如此而滋大於未來自未有艾固可爲兄操左券也予爰爲之言如此

民國二十四年歲次乙亥秋月 穀旦

歷任陝西鎮巴四川梓潼等縣知事族弟西坡拜撰

節孝茲壽叔祖姑王孺人傳

叔祖故爲會叔祖雷行公之長女先大父明經萊范公之從妹也幼嫻女訓先大父恒欽愛之年十七歸曰東公琴瑟靜好有梁孟風上事舅姑尤溫恭盡禮甘旨之奉先意承志以是得堂上歡無何粵寇陷城賊黨之避難者紛來止宿叔祖姑從容款待久而敬之光緒癸未曰東公寢疾大漸叔祖姑延醫默卜減壽益夫均不見效竟失所天叔祖姑冰堅矢志水漿不入口者數日先大父勸慰之曰爾子幼家貧嗣續之延教養之責舍汝孰任非殉節之時也叔祖姑悟而躋之始進飲食時叔祖姑年三十有三有亢宗子四人予表叔也長克良年十六次克楸年十三三克桃九歲四克欒僅四歲耳一門孤寡撫無人加以曰東公生前債累身後經營變業盡家道遂以中衰先祖姑親撫四孤獨肩生計青燈紡織白日樵蔬困若之狀既不肯

聞於外人而窮且益堅尤不肯貸於親族蓋數十年如一日殆諸親
以次長成則量材授業俾無荒嬉各表叔之所以得有今日者皆叔
祖姑之闡教也叔祖姑享年七十有一沒時一笑拈花無疾而逝人
咸羨其考終而潛德幽光尤爲閭里所矜式云

民國二十四年歲次乙亥秋月 穀旦

內姪孫陳 亮拜撰

節孝王母顧孺人傳

孔子曰臨大節而不可奪本爲男子之委質於君者言也然女子之
委質於夫者亦何嘗不以大節不奪爲重蓋自古代聖人創設男女
有別之禮制而婦人從一而終之義亦遂永垂於天壤而爲中土數
千年相傳之金科玉律惜哉天靳間氣每不多觀今幸得之於吾鄉
王孺人矣孺人氏顧係嶺下國仁公女也出自農家夙嫻禮義年十
九適王君復初王君天資明敏好讀書因癆成病孺人侍藥床下晝
夜不倦冀其病之有可轉旋未幾而竟失所天孺人哭泣飲涕不食
者數日欲隨夫於地下乃回顧孤兒在抱爲嗣續宗桃起見遂慨然
曰死節何如撫孤乃徇翁姑之勸矢志靡他恩勤不倦時當析爨家
業式徵乃創造酒釀積數十年家以充裕訓子課孫井匕有條隣里
共相贊美洎孤兒天培成立自樹鼓旗孺人與媳方氏改業米井

曰親操不憚勞苦不畏強禦地方無敢覬覦之者孫祿輝克承先志
入軍官教導隊擢任上尉現任寧波防守司令部下連長子若孫丕
承堂構未來事業何可限量孺人雖不能親見其盛而後嗣之光宗
耀祖實孺人教養之福報也嗟乎世風日下節義淪亡若孺人者其
亦可以箴未俗矣

民國二十四年歲次乙亥秋月 穀旦

邑庠生姻晚若虛潘 頓首拜撰

黃烈婦傳

乾隆譜

王式金貢生

余聞斷臂潔身解環正序古之以名節著者前史載之詳矣吾族先
太伯祖母黃氏者系柔川顯江公女性閒淑端莊有度適太伯祖興
世公生二子廷南廷梗家寒微不出怨言能盡婦道康熙甲寅春耿
逆亂兵蹂黃邑鄉人各自竄匿太伯祖母被賊掠至杭百端凌逼不
肯從悲哀慟哭遂自刎而死嗟呼死生之際亦大矣往見丈夫遭難
而荷活辱身者不可勝道况閨中人顧能至於泣血捐生以伸其志
其節烈爲何如者事聞合族驚駭太祖易家產至杭扶櫬歸墓於柔
川南山之麓洵宜列之旌典載之通志以爲世教風昔縣學教授范
長裕先生嘗作烈婦傳曰余鄉得西三烈婦曰蔡氏鮑氏車氏而太祖
母黃氏獨不與嗟乎夫以盡節且烈如黃氏且足與前史著名者爭
光會何殊乎三烈婦而傳未之詳殊爲恨事余恐其久而愈湮也春

歲重修族譜搜尋遺跡適其曾孫丕巍公以序請余不敢辭謹核實而爲之傳

族祖彝舟先生傳

王運璣

余少懵聞長老遺事輒不甚識及見舊知丕謀公賢稱仁厚長者其孫彝舟先生與仲弟葵同入邑庠而先生敦品篤行最爲表也余耳之而未悉也壬寅春族兄諸生躋聖持狀乞傳其祖視之乃先生也余以先生與吾祖同輩行而事又足以砥薄俗義不得辭則謹傳之先生王氏諱松字彝舟世居黃巖西鄉之甯溪爲縣學增廣生兄弟三人次居長最爲祖希燕公所鍾愛先生析爨後齒漸繁祖欲以所遺二百金卑之祖疾先生侍湯藥昕夕不稍懈祖四顧撫耳曰吾金汝持去可私諸己先生曰貧富命也公之而已何私焉祖垂危昏憤甚先生以事出適他子弟至祖以爲先生也申前命領而示之處至

者輒袖金去先生來祖曰吾金汝持去乎先生曰否祖扶床強起啓篋而金亡矣祖目眙口張不能語家人徧言無袖金者且發誓矢後嗣先生隱知之憫然曰區也之物何至是乎甯我獨無勿復言色乃大愉指先生喫語曰汝能爾吾賜汝多矣後必昌無憂也祖歿先生事父循衡公如事其祖父愛之亦如其祖父先生諸弟每不當父意必因先生以爲解父歎曰吾子僅有某耳他不足齒也先生既以行誼聞於鄉也之人咸推敬之以宗事相委屬時髮逆焰始熄有同姓豪倚官爲聲勢較轢親黨張甚莫敢抗撫先生瑕不得乃奪宗事卑諸已覈實責倍償家人刺刺私語積不能平先生固謙巽不欲嬰釁憾隨釋比豪侵公產入己囊宗事大壞先生乃愀然不樂寢成危疾遂以同治五年六月卒春秋六十有五躋聖所爲先生狀不止此然獨施於家者爲最難耳運璣曰嗟呼自世以畸節奇烈相委重而人

羣飾爲詭異之事以塗衆人之耳目古所稱爲純行者反以爲
而不屑道於是家庭坦易之途寢成荆棘往也臨小利害視若仇敵
卒之利不能久據害亦不能荷避而能據利者乃其重於義而推讓
之者也能避害者乃其篤於倫引而親之者也世嘗疑天道爲無知
而先生之後方與未艾如是其他闕焉無聞嗚呼天道其果有知也
耶其果無知也耶

族伯斐齋公家傳

王運璣

公諱憲彬字章成晚號斐齋甫九歲輒喪父育於母谷孺人公生而
樸魯至不能數錢人多易之每受欺給公不爲忤嘗借隣牛隣故以
觥突不受叱馭者與之力不能制積墮傷指逾年坐廢迺棄農以肩
傭凡楮弊蜃炭一切貨物須肩荷者公以身承其乏日得錢百數十
公昆弟三人長季惰不能養母公力止於是而運多癡性故好飲

以養母不得劇飲俗每於五月十三日結異姓弟兄爲義會嬉酣淋
漓縱酒以爲樂同人約公公固欲得飲醪貲不足倍挑佐之日中赴
會忽蜂數千飛集公首七腫如甕扶歸仍不得飲母泣曰一次之艱
乃如是乎公由是益安於樸魯母子羸七相守得糊口終身爲幸他
無復望也一日道遇術者謂公當晚成明年且有大禍既死復生過
此可致萬金公曰禍或有之萬金不敢信次年夏公至神龕上取物
有巨蟒張口向公大驚仆地氣垂絕母聞聲趨視見公身覆破釜上
胸裂心肺躍於外血注溢有聲母急捧心肺納胸中以祇灰雜香屑
掩裂處漸甦亦不甚痛楚復呼前術者示之曰此即囊所謂既死復
生也嗣後可無恐又明年爲人傭賃夏晚至野察禾水有老人呼公
名曰汝已際享運何傭爲公不信老人召公前爲指畫起家方法公
漫應之老人忽不見公大愕歸白其事於母七勸如老人言乃以田

質錢數十緡往富家糶主人喜其樸多貸之至則價贖歸三往
利倍常又於肆上設棧米出紙歸率皆得厚息釀酒七常
不知所自來自是不數年鄉里遂稱富翁公既豐於財性
與鄰里族黨無不沾其利者公伯兄蚤卒弟廢業不娶
善爲調劑以天年終道光十四年大水饑隣多匱乏公
賑以米不足則以麥以豆積券纍七公悉焚之曰每使吾
子孫爲素債備也族有爲子舉婚者貧無費以積欠多
對公語塞乃僞爲券而質於公七笑予之或告曰此給也
彼實無是物何券爲公曰吾非不知但其子爲嗣續所繫
誠難緩耳族某因博廢業罄其家債負叢集與妻相責以
死妻死不能斂守孤燈夜泣公聞厚賻之且輸以粟爲謀
生理甚備某感其義誓改行卒以成家公沒某來執喪禮
主人辭則請與洗綴既斂大哭以去今公沒已五十年鄉
之人往七有道其遺事者孫

孫生臣曠以狀來屬語多質直必不自誣其祖且公於余
相與有誼不得辭謹依狀書之以歸諸其後論曰子罕孔言
命慮人或懈於修省也而不安命者往七謂富貴可以力
取如公之窮也至不得盃瀝若有數以限之其亨也又若
有鬼神以相之太史公曰人能弘道其如命何觀公之
已事其亦可以少息矣抑復有薄於行而慳於財每假
命以飾吝不謂己不能拯人而謂人命不可拯無有樂
善好施如公之晚節者可慨也夫

先考敏齋府君行述

府君諱士驥號敏齋譜名憲恭世居黃巖西鄉之甯溪先
大父品三公妣氏李有丈夫子四俱不祿年五十庶妣陳
始生世父士駿由癸酉拔貢歷保知府銜候補直隸州
知州今調補閩縣知縣署仙游知縣是也又七年生妣屠
乃生府君王氏鼻祖由唐始遷宗

有聞人吾派自二十一世祖文雷公以萬歷己卯舉人爲知縣
知入 國朝二百餘年無有以儒術聞者先大父雖託業農而
欲以農商世其家世父等幼讀延師之費不稍吝所以課之者甚嚴
跬步必準於禮大父捐資館世父年十八府君才十一耳綜理無人
析心家務府君因是不卒於學又九年而難作初里有同姓某者與
世父幼相習長相狎也時髮逆始鋤山間莠民尚煩薙獮某以擊岐
田土匪功劉觀察墩方守台郡稍假詞色某不自斂勢張甚後與近
村袁氏積讐致閔袁故吾家媼戚某之族屬欲世父出居間世父有
難強之由間道行未及半岐田遺黨銜前恨助袁氏由大路下敷某
廬某遷怒於世父率黨炬吾家時府君猶在室驚駭奔竄擊大母等
人僅以身免乃謀於世父徙居城中以避其鋒同治三年九月也明
年色十數三月某之兄爲仇家要擊投水死某持前讐訟世父與府
君其事不直則訟諸府世父由是牽連逮繫劉公持法索贖
下武弁有與某兄同死者欲鍛成斯獄時巡所部至黃巖之土嶼累
殺繫兇數十道相枕藉訛言洶匕至謂世父禍將不測家人環泣無
以爲計府君乃疏詞投部下訐枉劉見詞輒怒手拍案不絕大聲阿
斥抵其詞於地連上而連抵之府君不爲懾同行者偵戶外噤不敢
聲比出咸咋舌曰我輩股栗矣君得毋懼否府君曰何懼爲吾兄如
遭不測吾何忍獨生吾已置禍福不問何懼爲其時先大母病垂危
府君入侍母湯藥出則審兄圍囹兩痛交嬰心膽俱糜大母昏瞶之
際嘗呼世父名曰吾其得見某歸乎府君飲泣給之曰會且歸矣則
又走縣庭求出兄而已代繫時陳公寶善方蒞任廉知其枉卒兩釋
之先是大父居積致豐府君兄弟二人析產時各得田數十畝屋舍
連楹自橫罹禍災益以上下營脫舊業蕩然獄既解世父憤不顧家

專意舉業府君以城居不易挈吾母及運璣返故里時運璣
從兄瑤等長者就傅少者方毀齒世父居城中授徒自給府君業
運而性不善理財數年罄其貲貧甚弟妹皆在襁褓府君唯課運璣
學訓之曰汝大父望吾輩成名吾少孤遭家多難日在荆棘中吾已
矣汝不能體吾志發憤成業即吾亦無以慰先人於地下也汝世父
從艱險中來廬乃有成吾爲計汝非讀書亦無以爲生其言悲切若
是運璣識之不敢忘府君性質直無文飾心所不善輒形於色時過
筋力精健以憂患攪心消耗汨蝕自奉又甚儉嗇世父官福建知縣
府君嘗往來审视徒步數百里足重繭不爲病運璣年十七就世父
任所學勸肩輿代步則曰汝不知汝家貧耶我稍節安身之資即足
家中數月費其劬若此以故年未五十鬚髮皓白神形敝瘠望之如

八九十歲與世父並立人不知爲兄也弟者世父與府君友愛
府君雖不學世父每以官事諮之獻可替否曲盡其意紳民之優劣
事理之伸屈世父雖驟問不答也世父每謂人曰吾弟無他長唯在
署十餘年不苟取一文錢不干預一訟事官場習氣纖悉不沾吾弟
殆庶幾他人未見也運璣年二十八登賢書府君喜曰吾可少告無
罪於先人矣既而又曰汝大父有隱德汝豈止此耶然嗣是訖無寸
進無以慰期望之懷家又貧甚干前時不加累粟撮土賴世父割俸
以濟府君但爲運璣等慮而不自顧其養之薄先是積勞成肺疾時
發時癒從世父任所歸才逾歲步履加爽方幸侍日舒長乃竟以壬
寅二月六日溘然棄養享年五十有八嗚呼痛哉曾祖諱丕申祖諱
宗除父諱鉞釧號品三皆贈朝議大夫妣氏李庶妣氏陳皆贈太恭
人生妣氏屠贈太安人當難之作也庶妣蚤卒生妣以避禍

家府君後一言及不知涕之何從也配吾母鄭安人子相繼而逝
光緒癸巳舉人候選直隸州七同次日瑛次日瑤女一適李氏繼
六克森克蠶克槃克熙克崇克厚孫女三先一年幼弟沒於世父任
所運璣與仲弟獲侍老母不能顯揚萬一唯冀當世知言君子賜之
銘誄永垂不朽先人幸甚後嗣幸甚

五子善養傳

有爲予道吾族侄崇祖諸子之孝者爲吾族弟存璧之言曰崇祖無
置錫之地以遺其子子五人亦無以爲生惟佃種人田地資其歲餘
以自結年皆四十上下以乏婚聘之資未有家室至今同爨而食簞
屨空而事其二親孝養備至母没事父益勤父性喜飲酒朝夕供
具必有酒而肉亦不缺或從父出釣得魚必烹以進有餘以待不敢
私鬻及自奉父外出必請所之或夜歸點松明以候就寢始退父或
不悅輒恐懼不甯跪以請罪必怒息乃已潛窺父意趨承恐後雖歲
制之具罔或不備父安其養充然不見其不足其孝有如此者予曩
然驚異忻羨者久之猶恐存璧有所親愛稱過其實既而詢諸香族
老穉同聲然之無異詞焉予乃歛容作而言曰猗歎盛哉夫孝人難
難也貧而孝尤難况諸子皆能孝乎其難抑又甚焉而能持其難而

後能哉亦豈要譽於鄉黨友朋而然哉嗚呼習俗之敝也久矣吾
意吾族而有若人且若是其盛也夫諸子之孝固出自天性然則
而能教亦可不誣可以見其慈兄弟同心以承怡也然無則亦
以見其友使吾族爲父子兄弟皆知此道則人倫不患其不厚家
不患其不振矣由父子推之則凡諸父及諸子尊卑之分同也自兄
弟而推之則凡諸羣從長幼之序同也皆天理民彝之不可泯滅者
也吾將特書其事存之譜牒以爲族之長幼尊卑者勸焉詩云靡不
有初鮮克有終諸子尚勉之哉諸子者何曰陳曰巷曰己曰末云
賜進士第資政大夫南京都察院右都御史

族叔渠翁煥撰

王仁山公傳贊

自古人文繼美者必其人有重斯文之心而天乃隆以美報夫文以
載道非僅作八股生涯也內而孝友外而溫文爾雅大遠乎俗人所
爲則幾矣世叔仁山公其知斯意乎公生於甯望族爲槐庭公長君
少習舉子業以督家事未能撥冗寄名太學非其志也槐庭公慷慨
好施公善承父志與弟亦山公相友愛至老彌篤而性重斯文凡有
文行者無少長皆禮之故大厦初成即於屋側築家塾數楹祀文昌
焉敦請牟垣先生以教二子及鄉之秀者至其師歿身禮意不衰後
使其子從同宗式金先生暨牟百峰先生皆族戚中宿儒所與遊者
皆名士夫是以長循製弟則規行矩步品行端方次慶雲弟則文章
掩映豐彩奕然而卒能有成夫公之祖旦黼公當甲寅兵燹時與高
高祖同避亂於山根及兵息後即約旋里蓋恐在山間無明師益友

而文彩不彰也所以一至甯倫公郎璧水蜚英完質公又有聲譽序
至修公亦公及篋先生芹藻蟬聯百餘年而未艾豈惟甯之山明水
秀獨邀地靈哉亦以先代重文之報耳公之敬式斯文克承先志自
能垂裕後昆今年已七十餘矣家本巾幗猷以敦行習文訓後人而
置家計於不問而蘭桂盈階行行玉立即孫支少已能文則天之報
公者爲不薄也此雖一門之慶亦盧里之光奇叨在世好蒙公眷注
熟悉公之爲人不辭褻陋以爲之傳

贊曰

天有文昌孝友文章明星赫々篤啓賢良公之重文老而不忘明
師益友以教我后生桂子蘭孫與淮水而俱長

時

大清道光十八年歲次戊戌桂月

穀旦

廩膳生世姪傅英奇拜撰

丕殿公行傳

公諱丕殿字希墀號玉丹行守九十八父簡前祖宅吉配牟氏生子
循奇中年棄世抱痛殊深幸有蘭孫曰彝楷彝海彝檜後先濟美克
慰公心易所謂積善之家必有餘慶者也公天姿明敏好讀書性嗜
酒不慕榮利待州閭鄉黨在匕有古人風其樹立有如此且公當誕
降時羣鵲聚噪庭簷早徵休瑞雖其間零丁孤苦陟屺興嗟而天降
嘉藕同心協力不數十年富擬陶朱此以知天之困公於前欲顯公
於後也迄今椿萱並茂壽逾八旬祖孫同堂祥開四世向非源遠流
長何以致此緣序本末以誌不忘

時

大清道光十八年歲次戊戌黃鐘月

穀旦

眷晚生邑庠生盧 嚴頓首拜撰

享山公傳贊

享山公國香公嫡嗣也祖梧岡公學有淵源爲吾鄉之望國香公欲繼家聲日以勤學勉其子享山公少有純質克承父志下惟攻苦繼晷焚膏終夜不倦不十年而蜚聲譽序惜國香公先一載逝而未及見也且國香公家中落山公以母老弟幼徒守巾箱業而或缺於供也於是效端木氏之術小權子母而家計大昌娶符氏北堂就養承顏不衰產二子長憲楨次憲英不幸符氏早逝續池氏能執婦道弟二人俱授室而卒能成立夫市井之人每不事詩書而書癡又日守一編而不通世故山公少業儒而又成家業胡安國云經術所以經世務也不其然與夫祖號梧岡而孫諱享山以山爲有用之才克繼家聲則憑翼孝德何異鳴鳳發祥而享於岐山也爰爲之贊曰
萃兮秀發藹兮兮士吉慎爾止兮柔爾顏取以義兮無貪婪

爾德兮王用享副是名兮鳳鳴山梧枝鬱起兮總角彎兮家譽大

振兮寵命其頌

大清道光十八年歲次戊戌荷月 穀旦

郡庠生族姪 華拜撰

璞山公世德彙述

嘗讀史見旂常竹帛間有合數世爲之傳者大丈夫遇於時者之所爲也逮至士庶生與鹿豕遊歿即委榛莽嘉言懿行猷無懷葛天輩逸而不傳吁可慨也夫吾鄉西三里許名石墩予高姑鞏亦吾王公發祥處也數傳有璞山諱丕寶者襲先人業耕田鑿井 其問而其賦性肫匕立行矯匕足與士君子爭不朽者蓋沒猶未沒也雁行四而公居其長經紀家政無私已晚歲分居弟昆相讓奚所謂分據爲也卜新第里之庄前而諸弟始有不給者秋穫蕭然公揮涕曰吾

弟何至此因遺錢帛穀粟必臨深夜恐人之覺也其長君諱晉齋
窺父行以厲諸子謂家庭問不如是非人情也爾曹當共勉書於
溪設酒肆挈壺者必詢其故而沽之恐其飲食遊嬉相徵逐也有武
生某敝衣不蔽公內衣新絮袍大袖掛外襲故衣蔽其亡也解衣私
置其室不令知所自也生平樸訥無華循分守己見者咸曰公來矣
嘻譴者息聲治遊者斂跡知其植品樹德隱有父風見觚之有稜也
嘉道問食用繁設錢舖以資不足詎借貸者負公仁慈家業遂餒生
四子駕山居其三子友五封父也與余談世德事述伊父當道咸聞
疊遭家難積債千餘串承仲兄綽堂命易農而賈往來申滬間獲利
巨萬不私一錢公道炙人口矣初習技掣精堪與星歷學公於世不
責酬好古蹟名畫稽家藏譜牒與人嘗津津言其賦性也如此咸豐
初蛟水爲患輪粟賑荒季年髮逆肆台釀金剿寇他如排難解紛憐
貧周急猶其少焉也異史氏曰人之生苟有裨人民利社稷出可也
處亦可也吾父之行君其爲述之予曰水有源木有本君家由璵山
公以耕讀起家子若孫保世而滋大之蘭芬桂郁輝映後先延今數
世矣予當繪家慶圖以進區區述迹云乎哉

時

光緒丙申夏月上浣

表曾孫廩膳生陳浴西海封甫拜撰

太學生駕山王公傳

公諱彝海字兆敖號賀山石墩王氏之克家才也以朝陽奏太學名
不報其人概可知矣

勝朝未有以文學起家署湘潭知縣號文齋者歸隱避寇由甯溪挈徙
今處垂訓後人曰循分勤業吾子孫也世守其教五傳而爲建中公

實爲余高祖姑鞏公曾祖也丈夫子三長曰璞山公公大父也
氏其長曰日升公公父也娶下余周氏同胞者四公居其三且升公
承先人澤耕而且賈厠身野肆間不習權筭儗巧事以故年終杖國
世業似餒于前周孺人亦惟循婦道不喜談贏細計道光季兩老人
後先即世遂以家政屬之公公生而奇偉狀貌武怒中懷仍復樸誠
吾鄉五十年前好以拳棒衝突儲朝廷威敵之贊公善其術非升虎
踞猿臂鷹姿視越澗度嶺奪仇擊賊於萬輩中若尋常事稍長知世
故見家勢少抑長兄兆炳善經紀不幸早卒仲若季雁行作痛不無
兇歉之憂乃奪然曰知興不知當務爲急吾亦人子敢以衣食之累
聽兄弟爲哉挺身改業爲銖寸謀公家舊以靛炭生理往來申滬間
公以不慣子弟不畏風濤揚帆衽席爭毫末於素善居奇之儔久之
產日以增屋日以創山祖地息半黃巖溪焉皆仲若季主之於內而
公任之於外之所致也嘗於經商中夢遊姑蘇高摘枝頭頂橋醒而
訊諸人遂賃載吳中大獲其利又嘗於滬中遇鄉人貿易負屈事公
隻身赴敵脫累於三五丈澗中仇者數百輩概爲退避羣焉神之不
敢復肆其逸事也然公不肯以武烈自震并不敢以殷富自鳴遇文
人則謙承下風尊長過之未嘗不恭抑也里黨疎戚有困乏者往匕
得公贊以濟他如排解世故理釋爭端信義澈遐邇焉而其遭家多
難伯兄物故兩姪幼孤公廣求師傅不吝修脯者二十餘年侄孫儒
懷不能讀書資以弓石入右庠仲季及諸子侄皆遊北苑貢太學公
由兵燹後納粟奏名被經事者竊騙空照故匿而不宣然公力濟艱
險大振家聲終不爲一己德咸豐初食指紛繁謀爲析爨資產巨萬
悉聽仲兄龜分未賞起較量心公道炙人口矣因父墓未協牛眠潛
心青烏術卜塋於蒹家岙之陽嗣是孫曾列庠爭輝里閭皆資公德

有以致之也配聖堂楊志昌公女閑靜寡言有拂意不敢告夫子女則布素食則粗厲以故鄉里和妯娌睦事舅姑以孝撫子女以慈其著焉者也晚年病篤兒媳輩懼無吉辰遽然曰余奉佛如此可不自主問吉辰何在悉告之果驗由是嘖々人口知其心無掛碍果證菩提有以基于宿也與公合塋下蔣喬李家坦又曰眠牛山巳山亥向兼壬丙丈夫子三女二詳世傳內不贅

光緒丙申冬月

廩膳生表姪陳粵東拜撰

素梅王君傳

先君子掌教甯川素梅王君負笈來學與予共筆研者四五寒暑朝夕攻取歲科考試甚相愜也遊庠後各以口舌奔走他方音問稍疎然世故周旋風俗維挽郵筒應答未嘗不神與俱馳已巳歲君以疾終予主丹崖文炳義塾不及撫棺抒知己情今

歲王氏修譜聊紓君之梗概以附末簡并以示其後賢焉

君諱汝錫字君賜性嗜梅園林遍植故自號素梅云大父仁山公爲太學士偕弟邑庠生亦山公友愛至老原屬甯川望裔爲官長委信爲里閭宗師衆口同聲非妄語也父淡河公爲邑泮知名與先君子納約共遊歷有歲數愉悅爲性坦易爲情生平無遽色疾言與人擬議遇後輩子弟亦恂々訓迪不以尊長居也君承祖父雅教讀書植品甚爲王氏羣彥之所欽儀道光戊申歲受督學趙蓉舫尚書知爲邑博士自後赴鄉闈試者一不獲售遂自娛適里黨忘進取心其處館也講解周詳不肯少事暇佚不誤後進其接人也婉轉優悠以化導夫悍梗之氣至于雀角鼠牙殷勤解釋必不使有訟則終究之憾君之世無勿以泮中甘草目之縱可識也咸豐辛酉歲余以傲直怒罵鄉之幾成大獄君奔走晨昏卒泯其事與余茶酒烟席懋情曲

意論以孔老先生危行言孫之旨且以晉伯宗齊周武子及仲夫
事委曲引徵至今猶深味焉也子玉章奏名雍泮能任肩世事次子
銀章農樵忠實均不替其家聲云

時

大清光緒二十二年歲次丙申十二月之吉

同館舍弟萊苑陳粵東頓首拜撰

石甫王君傳

君諱自性字彝理甯川橋亭王氏徙居石墩山根之麓之有志尚人
也幼失怙育於節母林依大父叔父以底成立尊人在日見舍傍巨
石狀甚奇偉愛而息卧之君以爲不及見我所生見所生所嗜好者
無異見所生也時相頂禮遂取號曰石甫云大父翼南公農力起家
積蓄充滿爲吾鄉有倉廩室性忠實交際往來喜敦樸士生平貿易

常不使不足在人贏餘歸已愚嘗與販公竹木者語及公家生意出
售損折公必自減其價謂彼以筋力求蠅頭利奈何虧抑贊本以足
我欲乎我則資天產地無定衡也居恒若此教後續以爲必準諸此
君奉前人規戒未少有違其就傳也秉資不甚英明然聆先生啓迪
勿敢倍拂蹈矩循規共館舍者推之弱冠以大父衰邁不忍再以家
政累奏名太學後即以勤儉料檢耕作務至於鄉井事故里鄰是非
有告訴者無不準理度情不致有可否誤也咸豐辛酉壬戌歲變逆
滋擾余主地方團局政君則朝夕匡輔凡有應用自出囊中物以濟
公費之所不給各村莊賴甯謐焉時有土豪某某恃其勢焰爲遠近
避紛者困余痛懲之置酒聚衆以整飭頑梗君乃踴躍爭前匪黨頓
息其悍良可書焉平靜有日即爲節孝母呈請褒揚爲大父母父母
安置幽宅孝思誠篤每呈露於晉接之餘年不及半百所嘗爲者

不告成瞑然即世子憲璋入雍官能任公項事起屋力田不讓世
憲珍憲琪俱克家可羨云

時

大清光緒二十二年丙申長至日

世愚弟萊苑陳粵東頓首拜撰

王君柳五行述

余履任和平三載於茲故交闊絕昨得王君柳五書以王氏族譜將
成囑余行述夫行述者述其生平所行事蹟以信今傳後者也若人
無足述固不能擗華燄藻作欺人語其人有可述之事何妨即耳聞
目見一紀其實況柳五與余爲忘年友相知最深公餘多暇曾何款
以不文辭柳五名建章字憲棟行一例貢生世居黃巖溪石墩遷居
潭頭潭頭者因溪潭得名潭不甚深頗寬廣黃巖溪及南港山民以

竹木裝筏載運類於潭上停歇地痞見竹木甚夥設法誦誦每每
錢肥已謂爲潭稅商人不堪其擾一日新於柳五柳五即稟官禁止
地痞敢怒不敢言而商民以竹木爲生者咸頌德弗衰抑余嘗肄業
南渠講舍矣講舍在倭舖堂之右墻垣繚繞高建層樓一座旁築書
室數十間爲諸生誦讀之所李師信菴主講於此爲余言王君毅生
周公鳳逸及柳五三人創議建造厥功甚偉而柳五欲然不足謂有
書院無賓興何以濟寒士時邑侯孤公歡伯與柳五素相得一日偶
談及南門鬧事柳五乘機進說遂合各局紳士稟請克公詳準各大
憲有案永爲西鄉賓興至今穀生鳳逸兩公逝世賓興各董事亦逐
漸凋謝而柳五尚誘腋後輩共圖經理挺身向前若不知老之將至
也者亦足異矣柳五幼讀書稍長因地方不靖以安鄉里爲己任歲
辛酉髮匪入境城鄉滋擾五力辦防守黃巖溪一帶安如盤石

處男婦避地至者不絕於道柳五設法保護無意外虞稍獲安寧則優禮相待推食解衣屋烏各如其願十二月逆賊張賊分黨竄岩四處劫掠二十三日甯溪南港合甯溪土兵拒守賊勢不敵衆勢稍却柳五督兄弟輩率黃巖溪兵至隨路迎擊賊遂敗追至白巖渡殺賊無算越明年髮匪平土匪蜂起台州知府劉公蘭洲統帶楚軍數千掃除土匪謂西鄉地太遠闕詳請大憲奏於

朝以糧廳移駐烏巖柳五商同烏岩紳士共建衙署數月告成歷任邑侯泣黃凡西鄉公事必以柳五爲長城之倚顧性忠直善諸謔遇有急事每以談笑解之令人心平氣和故鄉里無嫌怨爲人排難解紛不惜心力數十年如一日猶憶某年月日官兵誤土人爲土匪拘之去五追救官兵開火槍相向中其腹余聞驚駭急往視則所傷在足視柳五怡然無怨色其舍己拯人有如此者至論處家處則更有

不可及者柳五幼失恃父娶異母異母弟三人柳五善體父意待諸弟友愛無稍異故又能得其繼母之歡心前數年迎其母至潭頭大開筵宴爲壽余爲作序紀其盛娶妻黃氏續娶張氏子四長星拱三星匡皆從余遊次星江四星輔星拱星輔前後入庠雖不獲壽而星匡隨亦入泮孫繩七繼起柳五朝夕訓誨不事嚴厲皆能循規蹈矩一家婦女無詢諍聲又善貨殖前曾遠遊乍浦蘇州近則就本地察其所宜不拘於何貨而億則屢中並無折閱構房屋了婚嫁延聘館師至敬盡禮款留賓客必盡歡由是家聲日遠而家道日益隆余與共事有年前因著匪項蒙梅彙入奏案余與柳五符君西垣盧君玉叔於烏巖立局辦公柳五日理公事夜間回家明蚤局友睡未起柳五已至往反步行不費一錢數月間項匪到案而各匪亦靖又因年飢鄉人嗜匕乏食余與柳五共借鉅款買米照本出售柳五

其事告羅者至各如願以去迨新穀熟而米價自平其餘瑣事雖
共謀具有識見前知府成公籽城稱爲鬚眉男子肝膽丈夫者非
譽矣夫人無論在朝在野苟能有功於世則人自稱道弗置柳五有
功於商賈則商賈述之有功於士林則士林述之有功於鄉里則鄉
里述之至其家人傳述奉作典型更不待贅余時聞其言見其行締
交數十年述不勝述亦即世所共述者述之而已嗟乎浮生若寄歲
月如流不蚤立功於世輒與草木同腐余行年且半百矣白髮種種
建立尚待何時爲柳五述未免滋余疚也余亦從此勉矣

時

皇大清光緒二十有三年歲在疆圉作噩 穀旦

庚午舉人欽加同知銜特授廣東惠州府和平縣知縣

世弟鄭士掄頓首拜撰

風土說贈王都尉煦齋

風土域人之說由來舊矣士之趨上浣者欲起而爭之然有可爭者
有不可爭者有不可爭而終欲與爭者是說也吾爲都尉煦齋公驗
之矣公甯溪王氏以字行名憲春居黃巖溪之烏絲坑父以上十數
傳不顯於世烏絲坑負山面流城鄉寫遠居民習苦非奢祭不適市
故終歲無士夫足音公沈敏寡言自幼隨父兄耕作早作晏寢不知
黃巖溪外復有天地咸豐三年六月廿一日蛟水發鄉西南之山坵
數十處公住宅適當大洪一門淹歿次日雨稍霽遠近趨視聞土下
暗鳴聲急掘之知公爲收稻桶所抵土木架其上得不死而右足在
外者骨已折伯父緯堂公負置外舍稍匕飲食之顧創甚垂絕有丐
醫自樂清來善接骨果旬日起立而家無長物滄桑後尤不可對外
每鳩形策杖徘徊故址滿目淒涼轉恨起我活我者之殊無補也

年冬傷漸平復有招台勇防上海者輒從之久覺主將不其...
遂棄去投總統張公麾下以奮勇拔充旂長每戰...
或肉搏登城爲士卒先所向多有功積保至千總...
營潰公投於河賊由下流鉤攝之不得死賊見其儀...
兵頭多方胁迫不屈月餘防漸疎越河以歸而從前...
矣轉投李公以克復栗水金壇等處復保藍翎千總...
駐浙公歸隸焉甚爲所推獎保儘先都司明年文襄...
飭公隨轅時有族人恃公爲將伯者進衣錦夜行之...
假甚力乃飭署黃巖鎮右營守備辭行文襄論曰吾...
以酬勞動倘廬墓畢修吾待汝辦閩事也公於同治...
時洋面多嘯聚捕獲夥夥又認真冬防除夕始歸署...
閱公巡船洞砲彈累七如貫珠謂公過辛苦飭巡捕...
王守知其見信于上僚有如此者明年正月剛鎮率...

巡洋果不移知右守至白淡門見白鰲殼傍嶼出沒...
風過猛座船湊沙遂爲賊所乘公時在署簡軍實或...
公掉小舟尾迹之霧重不辨咫尺初莫知所往至遇...
得屍而歸事聞以救援不及落職嗚呼冤哉公先後...
小二十餘戰以守備任事月獲咎後展轉兩司者復數月艱難萬...
狀始于六年 月挈眷歸里其時子女漸繁寸縷斗粟...
故居鞠爲茂草尤不免 一枝之借自此刻苦自勵...
語惟官場習氣掃殆甚親戚有糾紛事微公借重者至則悉心勸息...
雅不以名刺干有司居恒布衣疏屢嘗率丁壯廣營...
指暇與老農牧豎雜坐話種殖絕口不談兵事有勸...
笑不答故見者不覺爲故都尉虎威也配陡門張永...
斗公次女在營

繼揚州潘鳴騫公三女二恭人均已兒女成行室家相慶自公過
身首衣飾典質殊罄荆裾自適井曰相安曾不效北門之請亦
以自遣論者兩賢之吾因之有感矣今夫玉生於山不采則不貴金
淪於砂不洗則不光公長不逾六尺生爲樵牧子所居在窮谷之間
口不讀孫吳之書身不習兵革之事就令負宗慙終軍之質而推製
無人先路又無人幾何不與草木同腐此風土域人之說也亡何陵
谷變遷殘喘獨留英雄以無馮藉崛起日與老巢悍賊爭死命於轉
吸之間中間履險如夷一蹶再振卒能取金印爲朝廷典司兵馬之
官謂非可爭之說乎然吾聞左公爲中興福將世傳其才如管葛量
如郭李偏裨之士若蔣果敏劉忠壯諸公皆取高官得保令名以沒
公若不爲族人所搖奪與左公相依終始安見平浙以後若平閩平
陝平新疆各案不列公爲首保而乃昧千里附驥之義博一時歸
之榮一旦罪發自天徒保首領負氣而出落魄而歸謂非可爭而仍
不可爭也乎特是榮辱者身也得喪者命也而挫之不折澆之不濁
者亦即不可爭而終與爭之品也夫以公一人之身歷前後之變其
於已之得喪榮辱無論矣回思平日晉接之際所見厚薄愛憎之故
幾何不爲造物所顛倒神鬼所掄挪乃始而視貧賤若固有繼而視
富貴若固有終而視富貴而貧賤亦不啻若固有以視夫擁皋比而
作威仗牛衣而飲泣者其爲人之賢不肖何如耶昔李廣罷職自稱
故將軍爲灑陵尉所呵止公胸中口中久無故都尉故從來不遭醉
奴之辱不然若灑陵尉者天下豈少也哉

時

光緒廿三年十月 穀旦

恩科副車奮川牟摯幹人甫撰略

實副其名說爲憲奎表弟作

有生而別以名者明也父兄所命區諸等倫而不使至淆混也名者銘也伊耆作卦從而制字準陰陽妙樞紐字爲之義也垂訓父兄屬望子弟假以傳意而欲其入耳警心也至若成人而更以字後世別名曰號也者衆所呼號以示不敢名斥因所受命之意而申明其植品立身之梗概也儀禮士冠禮有曰棄爾幼志順爾成德抑又鄉先生承父兄敦請爲之揚言而要若不若自沐其心自肫其念凜前人訓迪以誌其時深警醒之尤爲懇誠而可敬也憲奎王君余從姑丈綽堂公子中表弟柳五先生之又次弟也自取柳堂二字以輔其名以行爲號余心儀之從而質之曰余考璿璣圖奎耀於西而柳纏於北兩宿相共應也君名奎而號以柳其有感於星垣朗照之光也乎君曰唯也否也吾以擬志也特未知能不負焉否也余懷先德代著

令聞產業傳承亦頗不寂寞自道光癸巳甲午歲道家不造先大父大母伯父暨余前母以比不祥居積亦隨殞落先綽堂公次丁番長衰經當門運厄年兇涕零噉食拮据以撫猶子女忍耐而慰長寡孤時三叔四叔皆血氣剛強才能英勝而雄武自隆每不謙抑綽堂公息心調度理喻情孚獎誘以謀作室酸辛而奪悍姿由是山林展拓蘇滬往還溢注恣吾遂以復當年舊宇綽堂公沒柳兄繼之柳以附堂蓋以承父兄志事而欲以永久不忘也昔夫差報越使人立廷而呼勾踐沼吳推本於卧薪嘗膽余號柳堂其以聲諸人者假爲立廷之音也且嘗焉之用也乎則又徵之柳五君之言柳五君曰吾壯歲貿遷睽違定省賴奎弟率性以匡余之所不及父病瘳不解衣帶者累月糞盥器親洗刷也信醫者言視使色黃潤輒手示昆弟喜溢面龐否則惶恐無地而又不致爲病者知也事母孺人亦若此一觀

即世殯祭紛煩一切以爲己意買墳塋奠掃祀曾不以耗費慮責貧公堂所尤難者族遭回祿羣從室廬不留片瓦我弟不欲血脈斷親暴散於東西草宅中也節用集貲力圖建豎謂公等毋憂露處不一二歲我必合祖父支圖敦紱於昔所歌哭之地語竟謀殷擇日庀具奈中有別情不遂所志然言非虛言事皆實事成隳之故不足爲我弟譏也嗟也詣衰情薄性天一道誰則可清夜扃者慮奎表弟顧名思義而終懷之以惇篤於爾室之爲余所爲於稠人廣衆之中傾心壹意而拜於下風也猶憶同治乙丑余主講斗潭殿君來問業意甚相期許也君後改術爲商結廬於甯溪之橋亭有首坵之意焉天香堂者王氏先世之功德院也自司事者不善籌理產積幾空君挺身受任絜長宿短屋宅聿新昔年所慮鞠爲茂草者今則僧俗有貧貧箱告慶巍乎煥乎甯川一爽塏象焉大宗祠者族屬共仰前明南祠空鼎築以妥先靈者也以代紛人雜不能無憾所爲君起而振作積弊革侵殘壞者修之廢者舉之由是歲時伏臘無遺感焉飲樂饋投賓朋捷慶登大宗之山而森也成景也問大宗之積而在也告盈也而且賓興有取街道改觀恢復爲鳳山寺修築爲石鼓亭無不一一可指則又以實其爲孝友者告無罪於數十世宗祖光緒己丑七月蛟蜃爲患貽禍鄉鄰九月復淫霖肆大小收俱不成登諸紳士稟官賑恤無補于事君思米粒莫資各大戶閉倉絕販飢窮已甚搶奪所不能禁邀好義幾人力計保全買大艇泛洪濤假盛貲出羅舟山鎮海往返經三五艱虞當是時也聞君糧食抵關憂者以喜病者以愈向之沿途劫掠者靡勿自愧更其不得已之蹟焉問嘗語及屢次解纜爲南北風所撓困正柁工忽而清霽櫓甯船順守人皆以爲有神助者不又衷憫之摯有以上呼於靈穹然歎然則名號之踐念也

不虧豈妄語歟君不卒詩書之業而聰慧要自勝人遊踪所至見其
木攻金之巧歸輒效之能以水測漏作時辰鐘校以日晷不差秒忽
又能以洋鐵製爲水龍地方火竹資以赴究外此曲藝震人不足述
也去甯川五六里許爲白巖渡一水之隔三兩寧裳又當孔道之衝
困行旅者歲聞愁泣前人爲鳥道羊腸通遐邇厄難然而山岷水激
傾跌曾不能免而君與明經牟君劍吟計集督催役鑿險續涓工匠
所憂棘手者以意奪天鬼斧神工迴如造化爲費雖曰廣募而輸誠
竭智非共事人所及知也黃巖溪數十里倘旁山偪水街市去來不
勝困頓君又與孝廉曾君子赤謀所以便捷者按戶派捐視地形而
坦易焉道路約三五十里橋以濟涉夷以變峻客子遊人自有君而
千百年改危阻情狀時有習果報說以頌祝語進者君哂然曰福應
我不願聞分所當爲不容不勉且余父余兄所未竟志也抑又勉義

亟公不忘自允其名號者所爲肯構肯堂兢比於古訓然也若夫王
氏直學公派下譜系曠五十餘年纂緝殊不易比君繼而主政任勞
任費令宗脈不溷於遐陬而手稿一編記宋以來遷徙奔移之子姓
猶足爲家乘功而且謝家園林家橋祖墓久年失祀者恃君而重興
祭掃今歲三月清明十一都抱澗地方季操公家爲黃姓盜墓幾成
大獄君恨大局之決裂也委曲經畫得以謐安詎非孝親篤兄蘊於
中而發爲行事之實驗也哉外史氏曰名者實之賓也無其實烏取
其所爲名號者實之表也昧於實焉有所爲號自世教衰民不興
行倫紀性情之地鮮有自慊其所爲言者憲奎表弟能於流俗望洋
之懼輕財樂善迭爲鄉族不及爲之艱余以前所聞者驗君於耳食
之餘即以後所晤者信君於接晤之際君子人歟君子人也不能不
伸筆以爲橋亭之司世系者資採訪也

時

光緒廿三年歲次丁酉長至日

歲進士萊苑陳粵東撰拜

節婦黃氏傳略

節婦柔川黃北沼之孫女也選所宜歸得王氏豆山之孫師表未幾師表遘疾殆甚有母在堂子福沛甫五歲師表舌縮不能言因目母子以示婦匕曰君欲託之於妾耶師表乃又力吐一言曰荷匕遂卒婦治棺衾唯謹朝夕哀臨殯而甦如是者數既葬服除不御鉛華不飾美麗常縞素如初喪時日以教子養姑爲事姑老且終拊婦背以謝之曰我死無以報新婦願妾子婦亦得如新婦耳既而子福沛克承母訓得以文行著名入

國朝邑耆老嘗欲上其事 聞而歎曰未亡人得不獲戾以見吾夫

於地下足矣奚以是爲卒年六十有七淑而善慮貞而有禮以孝慈自任死而後已君子謂節婦爲難能者也詩曰彼美孟姜德音不忘良有以夫

鮑原宏拜撰

烈婦寧溪鮑氏董香車氏傳贊

康熙乙卯歲予鄉西得三烈婦曰蔡氏鮑氏車氏蔡氏者沈香蔡壽雲先生之女也時爲兵燹所獲以剪股絕喉而死其得列於邑誌宜矣若鮑車兩氏節烈不亞於蔡氏顧以家有儒農之異遂致名有顯晦之殊悲哉二婦九泉之下其能瞑目乎予恐其久而湮沒無聞也故訪於故老參以舊聞而爲之傳其大略云

王興路之妻鮑氏者樂清楊公香明剛之女也幼嫻母教長執婦道而鄉里賢之歲甲寅耿逆叛亂攻掠黃城而鄉西寧溪等處受害慘

以哨聚久而剽掠深也時鮑氏年方二十有四抱子茂孚與夫匿於
肖幘之山幸得完聚次年王師逐盜而鮑氏竟不免焉夫寧溪等
處四圍阻山官軍罕至故烏合之徒皆樂聚於此而當事者不察謂
西人狎盜必畜異心縱軍大掠以致鮑氏卒罹於厄豈不過哉方鮑
氏之執也見其夫已受繫子復見奪自思骨肉已離此身不宜苟活
顧無奈兵燹操之已促也東縛之馳驟之不得已乃底於黃之北門
城下時蓋八月十六日也黃邑離寧溪六十里衆軍以晚涼歇倦不
甚隄防鮑氏遂潛北門赴浮橋之水而死後屍逆浮至頭陀橋約離
寧溪三十餘里適興路負子逃歸道經於此乃哭而收其尸君子高
其節奇其事歔嘆息以爲一時當無兩者不意軍次董喬又有車
氏一事車氏者董喬陳朝常之妻也美姿容性端嚴常以嗜酒荒本
業車力勸不從生子名仲襄嘗語其夫曰吾子長君即浪遊無憂也
及遭耿之亂避匿山林次年乙卯官軍逐賊亡遁逃車氏喜曰而後
我等得安枕也居亡何官軍自寧溪至而車氏見執車氏泣曰吾拚
一死彼奈我何須臾衆兵燹各挾婦女偕來趨車氏就道車氏伏地
不起其人且怒且忍蓋車氏年雖三十有一而色猶未衰也後衆婦
効尤不行其人怒益甚拔刃在手厲聲如雷衆婦皆驚莫敢仰視而
車氏伏地如故驅之不起乃以刃斷其手而死餘婦遂無敢不前者
贊曰死生之際大矣哉丈夫尚不能割况婦女乎予觀鮑氏寧墓其
身於魚腹不屑偷生以蒙世之垢污其節誠高矣至於車氏豈必親
見鮑氏之事而伏地就死其潔身之操正自與之符合於此益信人
性皆善舍生取義之心果不遺於婦人女子也今人平居無事乃有
懷二心以事其夫者抑獨何哉雍正五年七月黃巖縣學教諭范長
裕訓導周士清核實具詳請

旨褒獎今已入祠纂修通誌萬古同春

大清乾隆三十年歲次壬辰陽月穀旦

總服孫德教

濟川

盛修撰

吊族祖母鮑氏貞烈詩二首

嚴霜凜匕雪江清迴憶瀟湘
吊女英願抱荆裙投湧浪肯爲脂粉逐
征兵舍生一死烟波碧大義千秋水月晶
試聽江頭潮八月濤聲夜
夜幽真

其二

死生大義最難伸誰想閨門獨認真
慊憾貞心理玉石從容仗節墓
湘濱半江血淚猶啼月一水菱花解照人
欲吊香魂何處是清楓嶺

上可同神

族孫庠生勳頓手拜撰

吊鮑氏太婆貞烈詩二首

舍生取義可成仁一汨滄波不辱身
羞與征軍投濁浪獨依明月赴
清濱貞同斷手死無憾烈似剪喉志亦伸
問適澄江思故跡幾行涕
淚痛沉湮

捐夫棄子過黃城獨下浮橋水月清
願抱荆裙隨浪去肯爲梅額逐
軍行水流玉骨迎秋潔月照冰心耿
夜明身死長江名未泯到今猶
自誦幽貞

時

乾隆三十七年歲次壬辰仲夏端日

二十六世孫思永頓首拜撰

潘氏孺人節孝傳

孺人潘氏下潘人其來歸於檜廣王丕祿公也鉛華不御井臼躬操嘗以仰事俯畜之謀相夫子人無不愛而敬之奈天厄斯人而丕祿早世遺腹生一子即循景也家鮮自給支繻時形時孺人年二十許然山間人禮義茫然婦再醮男易婚甚至弟昆交謫風氣甚不可聞而孺人以冰雪之姿厲柏舟之操青年守節撫子成家其足挽頽風以垂懿範者豈少也哉孺人性純善行端方孝舅姑外睦妯娌以仁款賓朋以禮持籌握筭創業開基其間茹苦含辛者不知凡幾也循景善承慈訓克勤克儉家道一新以故第宅之隆田園之廣聿比乎皇比乎溫鄉稱巨富焉微孺人力其克臻此乎有孫一人曰彝朋生之日孺人已即世而其幹事多材鄉中推爲巨擘邑令嘉之說者謂孺人積德之宏其子孫食報將未有艾也予於孺人無瓜葛親相隔

殷遙因與其曾孫憲珍憲蘭相往還故得聞其詳曩者以孺人事來乞言予故不辭翦陋濡筆以爲之傳

時

光緒廿三年丁酉夏月 穀旦

黃邑邑庠生陳夢星頓手拜撰

林氏節孝傳

去吾鄉不半里地名石墩王氏居焉林孺氏生長於斯以婉孌之姿歸王公兆炳夫兆炳誠克家材也壯歲辛勤服賈櫛沐他鄉有相士速其歸遂返於是倏捐館舍二子一女相失須臾時孺人年方三十其家叔姪子女輩不下二十餘口食指繁而家不給孺人主內政睦妯娌撫二孤弱息扶持於困苦顛厄之餘幾形拮据矣然則孺人之節以視披羅縠享膏糧相去奚啻天淵也今者風流雲散孺人遠矣

而孺人之負大志臨大節履大任扶大綱以輔諸叔創大猷成大業者履冰思潔挫鐵思堅幾令人咏嘆之不足黼黻之不能擊筑吹笙究不能爲孺人唱也噫若孺人者寧獨閭閻之尊抑亦室家之庇矣同治間纂修邑乘陳君萊苑已將其事採入道軒則孺人之不朽固無待予一言也爰序大略亦爲王氏家乘光矣是爲傳

時

光緒丙申夏月 穀旦

邑庠生毛宗紀拜撰

許烈婦傳

烈婦許氏郡庠生王拱政妻也歸四年拱政病婦割臂療之尋癒應省試歸復病勢甚劇婦知不可爲與夫約同死既卒殯殮畢婦服阿夫容膏家人急救之不獲死拱政歿無子或謂婦有遺腹其姑曰若得男不愈於徒死乎婦信以爲然閱一月知非孕服鉛粉既又服水銀又服阿夫容膏前後俱爲家人所救由是舉家環守之不得閒婦笑謂曰吾覓死屢矣而皆不得死信有命也自此當終事舅姑不敢復言矣於是防稍疏惟留一小姑爲伴一日小姑方蠶婦謂曰吾腹飢甚爾爲吾取食吾爲爾蚕可乎小姑入厨逾半時返則婦已死矣徧覓之得一樽知其服鹵死時光緒甲午三月也年二十五嗚乎死生之事難矣哉彼隱忍偷生覩顏苟免者固不足道即有一時義激奮不顧身然不旋踵計較念生縮蹙異懦輒至中變自古君子坐此以墮其節者往也若有之若烈婦者歷數月之久經百變之劫讎定守堅卒遂其志不謂之難得乎余嘗纂輯郡乘得臨海陳寒山事其從魯王兵敗而歸也逕上雲峰山中作絕命詞投水淺不盡爲寺僧所拯既服鹵又嘔卒扃戶自死余嘗歎其慷慨就義百折不變爲

起敬者久之今又得之於婦人也非更難歟

時

大清光緒二十有三年歲在疆圉作噩 穀旦

戊子優貢己丑 恩科舉人王舟瑤頓手拜撰

王世芳傳 摘自臨海縣志一九八九年版六九二頁人物傳

王世芳一六六九至一八〇八字徽德一字芝圃臨海桐峙嶺根人
清康熙四十七年一七〇八他四十歲中秀才乾隆十三年一七四
八八十歲爲貢生二十九年他九十六歲官遂昌訓導任滿乾隆接
見他特賞六品銜乾隆二十六年一七六一爲皇太後七十壽設九
老會召世芳赴會二十七年賜序耆頤匾額卅三年一七六八世芳
百歲賜建升平人瑞牌坊於嶺根村口卅五年授國子監司丞銜世
芳在世時有子四人孫十一人曾孫五人玄孫七人來孫八人七世
孫一人七世同堂曠代罕見有人問世芳養身之術答道吾惟知屏
思慮節飢飽順天和而已

嘉慶十三年一八〇八世芳卒年一百四十歲

王文慶行略

王文慶字煥宗臨海嶺根人生於清光緒壬午公元一八八二年七月屬我族襄陽派廿八世裔孫早年留學日本陸軍士官學校結識陶成章等參與反清活動加盟光復會業竟返國嘗與秋瑾徐錫麟等屢謀舉事於上海創建啓東學堂旨與紹興大通學堂及安徽巡警學堂相呼應策劃皖浙起義不幸事敗秋瑾徐錫麟被難文慶乃亡命南洋益奮志革命黃花崗起義前夕應黃興電召文慶親率南洋華僑青壯數十人歸國共赴大舉以霧阻滯香港既抵已誤約期黃花崗事已敗清庭索餘黨甚急文慶疊經萬險得脫轉赴杭州欲圖策反新軍并偕王燮陽楊鎮毅等創赤城公學收納兩浙志士以避清吏羅罔繳且聚革命之精英武昌起義告捷期月杭州亦光復浙江軍政府成立文慶任參議員與陶成章李燮和楊鎮毅等又籌

組江浙聯軍克南京迎中山先生就任臨時大總統民國元年文慶當選爲臨時參議院議員其後袁世凱竊國授文慶爲南洋宣慰使文慶拒不受浙江都督朱瑞附逆幸蔡鍔將軍首舉義旂護國討袁湖南陝西等六省軍相繼響應文慶等亦乘機力遂朱瑞等被選爲護法國會議員民國十四年二月病逝上海終年四十四歲章太炎先生等發啓悼念王文慶坦蕩無私畢生爲國不以艱危而喪志不以貴顯而移衷追隨中山先生鞠躬盡瘁善始善終其君子達人之高行宜垂竹帛千古矣

王素嫦行略

寧溪王氏史誌編委會敬撰

王素嫦又名素常臨海嶺根人生於清光緒癸巳公元一八九三年長從父節適寧海章思德君年未二十即寡乃矢志報國投身抗

會爲辛亥革命台州唯一輜國英傑黃花崗起義敗後黨人雲集上海密謀再起因清庭追甚烈貧居不易素常乃以婦女之便得質嵩山路法商維昌洋行樓房暗設光復會駐滬機關秘造炸彈楊哲商周佩璜主其事素常爲佐嗣以制作失慎爆炸哲商身殉素常亦傷被捕幸營救獲釋上海光復後素常與尹銳志尹維峻女士等同在光復軍總司令部任事及江浙聯軍攻南京素常又加入女子蕩寧隊親臨戰陣民國三年偕鄉人周佩璜周煦籌等同以公費留學日本學竟歸國後於廣州上海等地從政有年以壽終

自古禮教女子以嫻淑爲尚欲預家國大事無非古排今之大勇不足當而素常少年新寡其難尤重想見當時詆毀叢集千夫戟指之狀雖鬚眉恐亦未必能從容自持其志行不可方物又豈僅履險境冒鋒鏑而已花木蘭事歷數千年間騰譽衆口而今當未可專美焉

亘心先生傳

亘心先生名守恒吾族之望之也少穎悟讀書過目不忘性孝友好義舉公正廉潔取與不苟事上恒先意承志能得老人歡兄弟五人先生居長幼時出入同卧起怡怡如也數十年友愛無間言世業耕讀先生課徒供菽水自奉甚薄尤能致力學問生平服膺良知力行之說以正身齊家無子弟表率天性曠澹不急名利年三十二補邑庠生不求仕進常曰讀書貴在明理理明可以治事可以服人且讀書自有樂境何必富貴乎里人每有爭執輒就質於先生片言立解一鄉之人罔不信仰吾邑西鄉有南閘竹木捐定名爲西學務公款先生曾經理其事會計出入稱當年終例行會算鄉之聞人及新舊學子聚集一堂議論龐雜任匕莫決先生每以片語折衷翕然無復異議其治事之才非人所及蓋其得力於載籍者甚多他如年荒糶

賑創辦戒煙所設立烏巖長洋樓番三處學校修造白巖路及
修本房壬寅宗譜等等舉凡公益靡不首發起捐資樂成其急公好
義有如是者先生自幼好學故生平懷抱實在作育人材其誨人也
殷乚不倦循循善誘尤必因材施教不重夏楚宗先輩吉人先生傾
折甚至聘爲西席教授子弟蟬聯八載桃李盈門猶子嶧南幼岐嶷
體魄魁傑先生待之甚厚逾於己子時哲嗣譜南世南與嶧南三人
相偕入學自小學而中學衣服文具無分軒輊人不知爲從兄弟也
時當清季國勢日削嘗訓嶧南曰爾體強宜習武爲國効命又訓譜
南曰爾輩宜習文嶧南遂負笈浙江陸軍小學校先生身親料量行
囊指示程徑并賜錢物以勉力求學相勗迨陸軍大學畢業後歷任
團旅長及副師長寧波防守司令者實先生之教有以成之也伯子
譜南秉承庭訓畢業於浙江優級師範理化科獎給舉人曾任本邑

縣視學常山縣教育科長浙江捲煙特稅局科長第六師需軍正湖
北張家灣統捐局長振南畢業於浙江醫藥專門學校曾任第六師
軍醫正寧波防守司令部軍醫主任文孫克鈞畢業於浙江工科大
學曾任漢陽兵工廠技正中央防空學校上校教官交通部公路局
零件修配所主任先生時寄論勗以廉潔勤慎正己正人蓋其作育
爲懷孜乚不倦所以能光前啓後也燕居頤養猶手置一編讀書之
志老而彌篤彌留時引襟正坐召集子姪輩縱談後事危言正議作
最後之贈言聽者莫不感泣安然西去享壽八十有三噫桂蘭馥郁
齒德俱尊洵可謂完人矣哉

王念

王嶧南傳

王念劬

王嶧南以字行父憲洪業農而貧嶧南雖好學憲洪以服先疇爲急
世父亘心茂才喜其聰穎引之學又致其束修得負笈入烏巖貞成

書院升入邑城清獻書院年十六意態雄偉不願學書考取杭州陸軍小學升南京陸軍中學武漢事起與同志組敢死隊隨大軍革清命建立中華民國還入陸軍中學再入保定軍官學校廿四歲畢業分發浙江暫編第一師充排長民七年升第一團第七連上尉連長從潘國綱師出兵福建直屬團長陳肇英與粵有連袂全團入粵嶧南潛回福建仍充新成立之第一團連長十三年升少校團附入陸軍大學及畢業第二十六軍周軍長鳳岐召爲中校參謀旋升軍官團上校訓育主任又調第二十二師第三團七長出師北伐每戰輒克十九年升第四師副帥長兼第十二旅七長廿一年任寧波防守司令部中將司令是部組織範圍甚廣以財不濟用僅編步兵兩團嶧南才大無所施頗不得志招寶山者寧波門戶也鎮海番舶輻輳軍事佈置奸究稽察悉以屬嶧南甫蒞任或啖以私圖自便將月致

重金嶧南面斥之惟整理要塞訓練士卒是務設計沿海防禦工事凡十一處工程進行躬自督閱嘗曰此乃前賢威繼光致力之地吾輩後死但知有國不知有身一二八之役敵人逼處上海寧波勢岌岌虞洽卿居滬久擬將寧屬七縣劃爲難民區俾可維持秩序奔以告嶧南嶧南大怒而起欲捶之曰嶧南在此汝敢賣國耶虞知不濟忿去抗戰軍興封鎖鎮海毀壞公路民不識戰時意大不滿蜚語漸以上聞會鮑夫人死當續絃議者攻其戾於法令蹈瑕抵隙者踵於門遂置之法雖有爰書未能明正其罪君子惜之

論曰嶧南血性男子也無欲則剛古有明訓惟老子曰齒剛則折嶧南任寧波防守事八年正以自持無纖芥之苟得或干以私必衡於理可謂能行其學者寧波嗜利不惟商人士君子亦移於習俗交通爲商業之樞國策之拆毀公路封鎖鎮海口胥制商業之命脉

者不察率府怨於嶂南騰爲口說魁 魁 魁環侍其側無賴從而乘
之在上者又受浸潤之譖乃不許司法機關訊問而以抗視命令積
罪太多等概括名詞強入人罪其所抗何命所積何罪至今猶墮五
里霧中嗚呼小人道長爲君子者難乎免於今之世矣

煦亭公行略

公諱燮陽字煦亭族名曰燊清同治癸酉公元一八七三年桂
月生於我鎮西區石墩村父勒勳飽學多豪氣嘗片言析糾紛譽重
鄉黨公少承庭訓穎異好學重於文筆弱冠懷大志欲倣班定遠倚
劍岷崙立功異域會清庭啓建洋務設江南陸師學堂擬培育新材
以強疆防禦外海各省招試公得喻長霖榜眼等青睞荐舉偕項雨
年等六人同赴試中式錄取卒業後依兩洋大臣原議保奏任浙洋
水師統領捍衛蘇浙閩沿海名震東南後兼陸軍學堂提調時清庭
積弱難起列強環伺國事日非公洞察大勢深知非革命不足以拯
中華然匹夫之勇不可取意先育基幹積聚精英然後四方響應一
舉而革新復國適臨海楊鎮毅王文慶等受同盟會命自日本返浙
冀有所圖公得與其謀乃籌創赤城公學於金剛寺巷公藉權位之

便得以左右疏暢醜資并兼董校政楊鎮毅主教務王文慶等爲教習一時凡嫌涉革命不堪立足故土以致亡命者莫不招納雖頗招物議因公與督撫增蘊厚私交事終夷然聲名漸起從者日衆不獨革命志士亦多尋常學子且遠至安慶近若紹興大通學堂均暗通聲氣秋瑾徐錫麟等亦嘗秘臨光復會乃密而漸壯泊乎徐錫麟等先後事敗赤城學生已先疏散未罹其劫且當道多公弟子門人或故舊遂不甚追索事漸寢辛亥前夕革命勢已燎原杭垣等地光復會方謀攻城屈映光夏超張載揚等輩或出自陸軍學堂或出自赤城公學與公均誼屬師友嘗問策于公公謂杭州乃古今勝地若起刀兵必毀文物宜兵不血刃取之遂自薦往說督撫增蘊增蘊方驚愕無措自謂滿人首當其衝必難幸免公乃曉以興亡大勢覆巢之下焉有完卵莫若挈眷遠遁保身於未然增蘊末路中莫不應命遂夜遁以次名屬滿人聞訊亦相率逸去兩浙竟未遭硝煙戰火之厄得以光復公之德未可泯也其後屈映光王文慶夏超張載揚等先後主浙莫不尊公執弟子禮甚殷公不欲自伐其功自矜其德遂隱退歸里終老林泉語云神龍見首不見尾其此之謂乎

裔孫秩鈞敬撰

王公傑夫傳

余客居海外幾五十載故舊零落唯王君克潼乃累世交得時把晤君善文事好濟人急有古燕趙風而言其光尊傑夫公遺事輒戚然於容嘗謂尊人故交咸已作古幾無人能爲作傳因以此屬余噫嘻王公乃吾鄉人傑年未自立輒膺將軍職縱橫捭闔于秦隴間譽爲小諸葛一時人望無過其右時余方弱冠每聞從父輩言其事輒多傾慕之忱余既長亦躋身軍旅方欲請謁公竟英年早逝終不

便得以左右疏暢醴資并兼董校政楊鎮毅主教務王文慶等爲教習一時凡嫌涉革命不堪立足故土以致亡命者莫不招納雖願捐物議因公與督撫增蘊厚私交事終夷然聲名漸起從者日衆不獨革命志士亦多尋常學子且遠至安慶近若紹興大通學堂均暗通聲氣秋瑾徐錫麟等亦嘗秘臨光復會乃密而漸壯洎乎徐錫麟等先後事敗赤城學生已先疏散未罹其劫且當道多公弟子門人或故舊遂不甚追索事漸寢辛亥前夕革命勢已燎原杭垣等地光復會方謀攻城屈映光夏超張載揚等輩或出自陸軍學堂或出自赤城公學與公均誼屬師友嘗問策于公公謂杭州乃古今勝地若起刀兵必毀文物宜兵不血刃取之遂自薦往說督撫增蘊增蘊方驚愕無措自謂滿人首當其衝必難幸免公乃曉以興亡大勢覆巢之下焉有完卵莫若挈眷遠遁保身於未然增蘊末路中莫不應命遂夜遁以次名屬滿人聞訊亦相率逸去兩浙竟未遭硝煙戰火之厄得以光復公之德未可泯也其後屈映光王文慶夏超張載揚等先後主浙莫不尊公執弟子禮甚殷公不欲自伐其功自矜其德遂隱退歸里終老林泉語云神龍見首不見尾其此之謂乎

裔孫秩鈞敬撰

王公傑夫傳

余客居海外幾五十載故舊零落唯王君克潼乃累世交得時把晤君善文事好濟人急有古燕趙風而言其光尊傑夫公遺事輒戚然於容嘗謂尊人故交咸已作古幾無人能爲作傳因以此屬余噫嘻王公乃吾鄉人傑年未自立輒膺將軍職縱橫捭闔于秦隴間譽爲小諸葛一時人望無過其右時余方弱冠每聞從父輩言其事輒多傾慕之忱余既長亦躋身軍旅方欲請謁公竟英年早逝終不

得一見後余宦遊南北亦時聞王公軼事及余待從故總統蔣公左右所聞益多若林公蔚文等一輩保定故老與王公有同窗同鄉或袍澤之誼知余與公有先世交故每道及久而余耳聞漸積乃益驚公之才而痛其不壽余忝屬世末固未敢爲公傳顧當世知公者已鮮其人近代黃岩史誌某文竟誤爲清水軍將領因從命謹叙梗概以傳風範云爾

公諱建字傑夫族名曰俊清光緒己丑公元一八八九年生于黃岩寧溪山根村父諱子纓邑庠生以文藻孝行聞於時中道殂隕母毛太夫人勵節撫孤至于成立公少穎慧善解慈母劬勞之苦攻讀甚力以學行優荐縣學時值清末葉已廢科舉既又持薦省陸軍學堂公雄姿英發學冠同儕備獲督撫青睞欲他日委以重任并妻以女事爲鄉人某聞而嫉之曲意貶誹公自視甚高向耻裙帶之說不齒益不屑結怨于某業未竟即棄而北上考入保定軍官學校第一期黃岩林蔚文陳最林顯揚王倫寧海童葆暄杭州呂公望永嘉姚味辛等均同期入學後公于數千人中以第三名畢業指發浙江時值清庭傾覆華夏重光王文慶爲首屆省長公長財政聽時南北未一王文慶爲此奔走未幾離浙呂公望遂升都督童葆暄爲第一師師長因某一政見公與呂意甚相左會陝西督軍陳樹藩電邀公遂離任北去初光緒欲行新政誤寄股肱之望於項城袁氏命其小站練兵創建新軍袁夙懷貳心借機遍植私黨以豐羽翼一時各省竟建新軍其時陳樹藩即已擁兵自重雄視全陝後保定成立陳亦率屬數人入學以新資歷實則虛名應景此亦當日新軍一時風尚陳固難免俗而因此得以結識王公深慕其才識氣度既而清亡故吏遁逸陳遂据陝西一躍而爲督軍獨攬軍政大權唯百端待陳

李漢王氏宗譜

雅仰儒將之風治軍猶可揣一面治政則心殫力竭故力竭而事生
帷幄公既抵陝縱觀全局見當務之急莫過理財陝事或敗半在於
此乃於大慶關及潼關二處先後着手整飭稅政大慶關位於陝東
北同州府大荔縣境內潼關則在南物資出入無不經二地爲陝西
財源命脉所在其先二地稅政混亂不唯稅率不一稽徵無度蓋且
事無專責凡屬官府幾均可徵稅而故一物數稅一稅數徵屢見不
鮮民爲之苦且半入私囊國家亦未得益公既主其事先建釐金局
專司其職明令非稅政人員不得與其事違者軍法嚴處未幾令行
禁止間或妄爲者即拘之項枷示衆并投之獄旋又明訂 率或減
或免或倍徵悉以庶民生計悠關爲准至此商民莫不歡然一時四
境肅穆稅入累增公先在大慶關次及潼關二地無不感公盛德口
碑彌遠公小試牛刀即露鋒芒陝局初賴抵定陳樹藩寵信有加

擢公爲四旅七長衛戍西安時陳樹藩軍力尚未足以控全陝僅東
南一隅無大患西北井岳秀等猶難節制甘肅河州馬氏叔侄兄弟
累世割据虎視關西隱疾尤深且白狼匪亂鼠擾連年患在肘腋公
暢論所見陳樹藩誠服之餘共策治陝之方先遠交以靖外公乃臨
井岳秀等部勉以造福桑梓蔭庇生靈等大義井等莫能辨尤重王
公膽識豐儀自愧愚魯遂杯酒言歡共訂振陝之盟嗣又遠訪馬氏
諸雄因井岳秀等荐舉馬氏已預聞心儀固久矣公抵隴馬氏備極
隆遇公縱橫論述天下大勢并力陳安民睦隣之忱馬氏心折輒訂
各尊疆域修好共處之約且締私交相與往還不絕至此陳樹藩外
憂盡解僅餘白狼一患白狼者乃匪梟之綽號部衆多寡不定少則
數百多至近萬半爲飢寒所迫雖爲烏合之衆而騷亂十餘載清庭
莫能滅公審時度勢撫剿并行凡災區所在薄賦輕徭以緩民困

其得以休養生息籍以杜斷匪源分化匪衆爾乘匪蠢動之際公率所部循迹直搗匪穴擒其魁誅之餘則小部招降大多遁匿故里白狼之亂至此根滅百姓莫不額手頌德陳樹藩乃呈准國務總理段祺瑞爲公請勳晉級擢公爲督軍署軍務處處長晉級少將并榮獲文虎勳章時年僅二十九歲公每事縝思密慮多操勝券且體儀儒雅談吐溫文御下寬容待人平易幾不類武人時人譽爲小諸葛一時人望遍及秦隴陳樹藩私慶得友然則唯伯樂能知千里馬陳樹藩設無磊落襟懷識人慧眼又焉能倖致公亦深感知遇之情得以初展抱負約民國四五年之交袁世凱復辟之心日熾其明年竟改元稱帝舉國大譁云南蔡鍔將軍首舉義旗湘贛等五省督軍相繼響應史稱督軍團討袁護國之勢席卷東南王公因勢進言縷析大局備言人心向背之理嘗謂陝省雄踞西北袁氏必寄奢望公氏四面楚歌失道寡助之局已定際此關頭亟宜昭告天下以明去從不然恐將爲社稷黎庶所唾棄欲圖立足中原噬臍莫及矣陳本項城舊部猶多觀望之心聞公論若飲酬醴惕然而悟輒通電全國加盟督軍團聲援護國未及三月袁果敗浩劫弭平蔡鍔將軍名垂千古督軍團譽載青史王公亦獲勳授嘉禾勳章

初公來陝夫人胡氏隨侍在側不幸早折續娶陝大荔縣劉氏夫人于潼關任內初慶麟名克潼方長四旅衛戍西安時又舉一男名克安平白狼定寧陝時再獲一子名克寧公功名鼎盛叠慶麟可謂祥瑞並臻矣唯念太夫人垂暮獨居故里未能盡寸草之心每旦夕卽曾數申歸省之忱陳樹藩又每顧而言他忽一日侍者詣署馳報太夫人抵邸公驚詫不遑詳詢亟命駕返邸果見太夫人在而督軍及其副官長竟侍座在側公如在夢寐方欲啓問

微哂云今日太夫人駕臨應盡天倫之歡容某來日爲太夫人洗
有潛之處希見諒輒率從者長揖而去公益茫然久而漸聞此中隱
蘊其初陳樹藩聞公歸省意輒私計於衷密命其副官長迎太夫人
來陝而秘弗使公如蓋欲遂公侍養之情而免奔馳之累矧其時天
下定鼎未久事多不測故不欲公稍離左右其倚重之殷如此既又
悉公故里寒素之狀而揆公平日慷慨濟人千金一諾雖聯任稅政
又耻於苟得自腴乃信公重書生氣節一心爲公幾無私念進論置
產因益敬會太夫人花甲誕辰將屆陳乃首倡爲太夫人祝嘏儼幕
無不欣然應和大慶潼關二地商民懷公稅政之德寧陝各地感公
平亂薄賦之功聞風而動相率報德長安道上一時轟動并岳秀馬
步芳兄弟等亦相率拜謁太夫人執禮甚恭太夫人一生勞瘁得遂
弄孫之歡又值此晚景風光欣慰可知此中固多陳樹藩拳拳之意
與王公私誼之篤可見其慨矣

討袁事後陳樹藩矜於一得而失大略且災害數年民困不堪
公屢陳方策言聯合一統之利陳惜未納其部衆亦多煩言馮玉祥
胡景翼部尤見不遜咎陳墨守不進未與孫中山先生共謀大統
令南北分裂依然割据舊局王公深善其說而陳舉棋不定終失契
機公苦籌全策欲挽狂瀾忽太夫人病急電促返里陳不忍却公乃
挈眷南旋未幾馮玉祥胡景翼果發難陳樹藩不堪收拾殘局終失

陝西

公返里後以太夫人多病年事且高不敢遠遊遂不復出以報
春暉民國十五年間太夫人棄養公遵禮守制又明年克潼忽失明
醫者術窮聞寶隆醫院馳譽滬上因往求治時北伐軍自粵經湘鄂
贛浙揮戈北上蔣公介石任總司令途次申江聞公在乃命林公

文趨訪致意略謂當今風云際會保定同仁宜當仁不讓爭爲先
以揚保定雄風云七公頗爲所動顧克藩病無起色難一諾乃
辭相約他日應命其先公就學保定時與同窗同鄉陳景林顯揚王
倫及河南錢宗澤五人曾歃盟爲異姓兄弟王倫學騎墜馬斷足
傷中兄弟日侍起居時蔣亦同窗與王倫尤篤私誼每過從慰勉因
亦結織王公等既而蔣業未竟逕去日本士官學堂深造不期驟經
獨闕此日竟成風云人物嗣因克藩病無轉機聞北京協和醫院名
公又北上求治寄寓其女兄家協和果不負盛譽克藩病立平見影
未旬日視力恢復漸及常人十七公喜甚乃漸廣交遊一時保定故
舊相率趨訪者日衆若陳樹藩李景林錢宗澤張昉李瓚清等幾月
爲座上客李瓚清乃公長四旅時舊屬時已昇第一師師長衛成北
京相與尤密緬懷當日馳聘秦川叱咤風雲之慨頓覺廉頗未老壯
心不已雅欲再起東山不意積勞過甚宿疾復發卒不起民國十七
年冬逝於北京終年僅三十九公一生清介身後蕭條僅祖遺舊屋
二楹薄田數畝而其豁達寬厚卹下憐貧之風猶爲時人所樂道後
幸李清瓚部奉檄調滬乃助克潼扶櫬南歸嗚呼昊天不吊未假公
壽不然必干城大器則其功業彪炳當世恐無復其倫矣
歲在乙亥春月

前民國總統侍從室主任陸軍中將

世晚俞濱東敬撰

樂坡公傳

公諱庚族名象喜字樂坡別號亭雨公元一九〇二年四月出生於
我鎮西區黃巖溪小茅山累世務農家非素封而公好學不殆中學
期間每自負囊橐徒步七十余里赴讀其時外侮日熾國步陵夷嘗

慨然云男兒報國豈徒恁章句空言遂萌斑駁籌邊之志時革命軍勢局東南北方諸省形同割據公中學畢業後升學無力請纓無路彷徨間聞鄉人林公嗣達爲河南督軍胡景翼幕因偕林弟丹野聞關往謁冀其援引得伸宿志會黃埔軍校三期招考胡景翼主其事公欣然與試既中方慶幸欲整裝就道赴穗不意林公嗣達竟捐饋舍公助丹野治喪畢丹野又請其扶櫬南歸公素重義方力承其責既抵里已誤黃埔報到之限明年公再赴穗考取黃埔六期砲科四一二事變後政局混亂張發奎事件又繼其後有謂蔣介石李濟聚反革命或謂共產黨叛變謠傳紛起莫辨是非黃埔騷然幾爲解體當事者亦惶惶然但云由學生自決行止同學乃集議赴滬待機一時經香港去滬者逾三百余人後續者仍多前後均由杭州軍事訓練班收容後併入南京中央軍官學校六期得以竟其業畢業後公

歷任軍隊各級基層干部一九三六年升任江蘇鎮江要塞司令部上校參謀長未幾抗日戰啓原駐各配合友事相繼他調要塞幾成孤立日寇陷南京後局勢日險要塞司令林公老病不堪應此危局公義無反顧親負御敵重任上下用命屢挫敵鋒寇既不逞乃命飛機輪番狂炸要塞全毀士兵傷亡狼籍嗣奉命撤退江左當地武裝韓德勤部又乘危要挾改編公不恥韓部所爲遂借故脫身旋抵武漢偶值戴笠因黃埔同期同學又同籍浙江異地相逢各多欣慰時戴笠方長軍統佐助無人尤缺干才知公賦閑遂力邀臂助公堅辭不得脫乃許以一年之期戴輒委公爲臨澧特訓班上校付總隊長不意訓練班期已相續不已欲罷不能竟此側身軍統大背初衷未幾晉升少將一九四五年八月日寇投降公率中美合作所東南訓練學生軍收復接管杭州任中美所杭州辦事處主任四六年遷任

交通陪交通警察第八總隊少將總隊長同年戴笠墜機身死軍警
改組公乃脫其羈縻調任中央訓練團軍官總隊長少將總隊長四七
年調陸軍總司令部監察處少將處長其時解放勢若雷霆直壓江
南蔣氏已力難回天高層機構日逐南遷成敗之局已定公遂辭監
察處職欲借機引退歸農卒不果又前後被任爲蘇浙皖保安旅
旅長國防陪七員上海民防司令部付司令等職實不過閑曹冷令
行其虛與委蛇之術時解放軍前驅已抵滬區蘇州河一線國防陪
又命公挈眷撤往台灣公不忍遠離故土益不甘愚殉遂拒不行未
幾上海解放公依軍管會傳檄主動投誠並接受短期學習四九年
秋分配南京華東軍政大學教研班獲團級幹部軍藉五〇年機關
肅反公竟被除軍藉送蘇州解放軍官訓練團學習其後運動相繼
十數年學而不果繼又文革十載解訓團改爲戰犯監管所公亦成
爲在押戰犯七五年三月方獲特赦八一年始平反名譽雖已恢復
而三十年大好歲月竟付空流時公已年逾古稀而愛國之心未稍
減每撰文呼吁港台及海外親友相期鼎力敦促台灣回歸共成祖
國統一大業一九 年 月公大歸終年 歲子二女一各
學成有業

公默訥溫厚若書生樂於助人客常無虛席一生清介律已尤重風
節抗日勝利接管杭州公位重當時如欲得豪車咄嗟可及而公
取其廢棄者其車數十年前國外已停產國內亦久絕迹故每馳經
衢街路人莫不以其老丑而側目而公恬然後任職京滬亦卒不
語云君子有所爲有所不爲公之風德可見其慨矣

据遺公裔源長 纂 孫二公文摘述

一九九五年九月

寧漢王氏史誌編委會撰

後，至辟月未占一室，尤可憐也！君弱國前，娶
 夫人鄭氏，為白色，鄭逸樵公之長女，年相若，
 適懷生天壽。妻勵節扶孤，自三十餘年，歷國
 三十二年，三月廿六日，以疾卒。天壽有方，學業清華，
 大考重事，辦理各，已卓然，自樹立矣。嗚呼！
 中之定，常歎於一日，清芬施於後嗣。余亦
 見之，合一天於九原也。中華民國三十三年五
 月十日，陳果夫敬撰

民族英雄王禹九傳略

王禹九寧溪王家店人生於清光緒二十八年公元一九〇二年家
 非素豐小學畢業即涉世謀生曾充鄉塾師後投身軍旅禹九明敏
 好學豪爽有英氣佼比不群引人矚目且智勇過人每戰必先屢建
 奇功而故擢升甚速後經浙江陸軍干部學校及中央軍校深造為
 蔣氏嫡派主將陳誠所器重其時日寇虎視眈眈鯨吞之勢發在旦
 夕而國民黨竟以攘外必先安內薦國策陳兵湘贛全力剿共時禹
 九已升任團長深感執政失當每多憤慨

禹九治軍嚴但絕非舊軍閥之專橫亦無新軍閥之獨裁作風
 既曉以理又重其情故上下用命而無害民扰民等事一九三五年
 駐湖北當陽曾以軍紀軍容稱譽一時不獨軍營整潔還令士兵修
 整街衢疏通積水美化環境並組織當地人士參觀此一衛生樣板

指令保甲建立衛生制度保持常整常新又于當地古代勝迹當陽橋長板坡以及糜夫人殉難井等一帶建成長坡公園發動群衆捐助花木士兵建亭舍橋館等點綴其間雖多屬草創沒有宏麗堂皇的建築然小橋流水亦頗具賞心悅目之境自古百姓視兵如狼虎以兇多於福而如禹九能爲百姓多所建樹實在是很少的了禹九所學頗豐于古詞賦亦嘗涉獵且十余年戎馬所見尤廣與當地鄉宿士子交遊談吐每驚四座詩詞唱和尤多傾折禹九書法亦不遜興之所至龍蛇起舞氣度宏闊見者莫不譽爲有儒將風曾一時聲名藉甚每過街衢百姓都樂與致意禹九治軍有方治民有度於此可見一九三七年秋該團曾因異黨一案累及禹九棄官未幾抗戰事發兩黨再度合作禹九方得以重赴戎機請纓殺敵於嘉定前線接任九十八師旅長并曾致書其夫人胡遠清女士云 值此強隣

壓境國難當頭民族存亡之際凡我國人皆有抗敵保土之責我身爲軍人爲國捐軀份所應爾疆場拚搏生死難期設我不測務須節哀並望擇人更適 男兒壯語擲地有聲既而該師擴編爲七十九軍禹九亦升任軍部少將參謀處長轉戰浙贛蘇皖之間屢挫敵鋒得抒素志一九三九年春日寇以優勢兵力強襲浙贛一線七十九軍于江西虬嶺陷入重圍禹九本無掩護之責然危難之際大丈夫又焉能作如是想禹九毅然請命親率部衆掩護軍部突圍不幸竟以身殉年僅三十八歲嗚呼將軍以身許國氣壯河嶽雖死猶生不獨爲我王氏人杰亦我民族之光一九八四年人民政府確認王禹九爲革命烈士頒結證書其事跡將永垂青史烈士遺孤天曠天曠女文離均已成年各有所專

一九九五年八月

寧漢王氏史誌編委會

烈士禹九遺囑

強隣壓境國步艱難余以待罪之身爲國捐軀份所應爾惟身後各事自不能不妥爲安排茲條述如下

一余死後遺骸不必回葬就地掩埋即可

二以余名義所購之田產統歸余妻胡遠清執掌父遺產業除住宅統歸余兄禹臣承受住宅則與余妻分住

三余尚有存行之款計本二千現已受國家提取限制不能提回余如死後可懇請軍長復轉請政府念寡婦孤兒生計無着准予提回提回之後亦歸余妻執掌

四先父遺留債款尚有些微未清統歸余兄禹臣負責

五余死之後余妻胡遠清如須另適人則亦聽之惟余之產業應交由女文離子天儀執掌余兄禹臣妹夫許企俠洋緣齊念親比之

誼當能爲照料撫育至余妻若干私積則仍交渠攜帶不必干涉

六此項遺囑分爲二張一交余兄禹臣執掌一暫交妹夫許企俠保管余如死後即由企俠轉交余妻胡遠清執掌

七余死後如政府須給撫卹亦由余妻胡遠清領取遠清如適人由

文離天儀領取

民族英雄天祥傳略

天祥別字天翔一九〇六年生于我鎮後街父諱仲華讀書不售退業貨殖家小康素仰文信國浩然之氣因以名其子天祥幼慧性豪爽機敏過人凡棋劍琴書等藝稍學輒通頗善書法尤擅雙鉤肄業中學時凡抵制日貨聲援五州等愛國行動天祥無不率先主其事畢業後考入黃埔軍校六期將臨結業航校初創又轉報航校一期以其素質專志技精進倍於人卒業後分發空軍第二大隊不二年

擢昇驅逐機第一隊付隊長兼笕橋航校飛行科驅逐機教學組長
常于重大慶典作高難度飛行表演深得人望一九三五年昇空軍
第七隊七長嗣升第三大隊付大隊長以累積軍功榮獲云麾勳章
七七事變日寇亡我之心大昭天下天祥嘗駕機飛臨故鄉空投書
札於家人語多壯烈略謂男兒許國義無反顧乞老父珍攝餘年善
撫後人其效命疆場舍身殺敵之心見于言表八一三日寇陷上海
敵機時襲南京時我空防力薄當局未敢造次相抗天祥等義憤填
膺自耻空有羽翼不得一搏既而窮乃思變議以其人之道還治其
身熟慮既定當局首肯天祥首爭其役親率美制雪臘克型低空攻
擊機十八架掩護轟炸機群飛襲上海日寇始料不及倉率反搏已
失契機且天祥及僚機以過人之技必死之心銳不可當天祥毀敵
一機遂不敢櫻其鋒我機群奏凱返航天祥之機尾機翼彈痕累累七

空戰之烈可見而日軍自詡不可戰勝之說亦大白於世一時中外
轟動舉國稱快視爲奇迹空軍司令部特頒嘉獎令并獎給銀洋一
千元其後日寇欲雪其耻屢炸南京我空軍不堪忍辱乃拟再襲敵
後一九三七年八月二十二日天祥負恙率驅逐機十七架掩護轟
炸機群重襲滬敵不意日方預獲軍情高空設伏我軍猝不及防陷
重圍天祥裂眦奮袂以抗毀敵二機終以寡不敵衆人機俱遭重創
墜海壯烈殉國年僅三十二歲其地在浦東川沙縣土名小石頭海
灘時爲鄉民戚某所見輒瘞當地刻磚爲碑以識抗日勝利後遺骸
由國民黨空軍總司令部隆重遷葬杭州笕橋空軍烈士墓地解放
後人民政府追頒烈士證書

吁嘻 蒼山兀兀蒼水泱泱靈鍾河嶽有士昂揚懷丹心以許國
御碧落而翔十年磨劍不辱炎黃乃橫空而一擊蓬蓬

震乎遐荒英雄不死地老天長

王氏史誌編委會據黃巖文史資料敬撰

王天眷傳略

王天眷寧溪坦頭村人現幸福生于民國元年公元一九一二年一九八九年二月二十日病逝北京終年七十七歲爲我國著名物理學家世界第一台激光器在其指導下研制成功得以問世歷任中國科學院研究員中國物理學會波譜委員會主任中國電子學會顧問量子光電子學會顧問中國計量測試學會時間頻率委員會主任中國儀器儀表學報編委等職

天眷父諱卓字楚材早歲參加辛亥革命與黃興陳果夫等共事清光緒三年公元一九一一年農曆九月初九日于武漢龍王廟一役不幸捐軀成仁年僅二十二歲母鄭氏遺腹生天眷勵節撫孫備竭

艱辛天眷幼聰穎祖星剛公偶授以詩詞即能成誦在小學中學期間未見其孜孜苦讀然成績每冠同儕一九三二年考入交通大學電機系曾以異黨冤獄被捕幸得父執陳果夫先生營救得釋次年轉入清華大學物理系以優異成績畢業旋入該校研究所工作一九四一年任重慶大學講師後在成都中央航空委員會任職抗戰勝利後受命接管廣州日寇雷達工廠敵方欲祕其術全毀雷達且行私納賄欲陷接管人員同流合污天眷察其奸嚴辭譴詰敵難遁辯遂俯首聽命悉數修復後國民黨政府擬派其出國考察天眷竟堅辭不受決意以自身實學考取留學其志果竟一九四七年經中華基金會資助送美國哥倫比亞大學深造天眷之耿介拔俗大率如是一九五九年應法國巴黎大學邀請講學六〇年間返抵北京畢生獻身激光等科技研究事業成效卓著名聞海外于國家民族有

殊勳天眷可謂生當其時學有所用書生抱負豈復有他生平實績
磊落嘗以笑報人然不苟同人意偶爲古詩詞亦豪邁不群嘗吊至
禹九烈士有聯云明于理勤于學道不遠生而剛死而毅仁在焉足
徵其餘除學問外無所好身後無長物有子女各二余與天眷誼在
師友每爲其立身表里澄澈治學鏗而不舍所心折幸其後人能承
其志

一九九四年五月

潘綠齊撰

賢德媳婦

陳香琴

黃岩茅畬鄉上庄東喬王吉云妻

陳香琴幼尊母訓精子女紅

年方十七于歸王門事翁姑至孝夫婦如賓叔嫂相敬妯娌和睦勤
勞儉樸井臼親操克盡婦職并積極參加農活一家上下相安賴其
維持幾十年如一日從不少懈遷新居後對翁姑瞻養晨昏侍奉月
給用錢一如往昔婆患肺病一九八六年病情惡化病床一個多月
端茶奉藥不離病榻並勤洗身換衣死前幾天羹匙喂食老翁八十
有凡風寒感冒期間倍添殷勤故鄉里咸稱賢媳育二子長子已
成家願淳樸家風盛傳不衰

柏嘉山麓美嬋娟

孟光遺風記心田

事翁至孝盡婦職

賢婦美名閭里傳

黃岩區歷史學會嚴振非

鳶飛先生行略

鳶飛先生余族兄也世居我鎮橫街父諱頌字若愚保定軍校畢業
母姜氏出先生弟妹三人先生居長幼聰慧讀書每試名列前茅後畢
業于上海大夏大學娶烏巖盧志筠女士婚後應黃巖女師校長奚
繼武聘執教半年嗣奚他調先生亦辭會里人毛毅可先生長肇縣
兵工廠邀先生任物料庫長嘗赴滬採購鋼材機件等物廠內諸事
世事者目爲肥差意謂先生歸來必將肥馬輕裘既而先生抵滬中
外廠商指客屬集咸以回扣及厚儀爲餌欲引先生合污先生終不
爲聽惑据理成交衆商莫不驚詫而誠服返廠後毅可先生贊許各
至黠者私謂愚生愚且迂矣回扣爲中外商場慣例非干國法何峻
拒乃爾而賢者則咸稱先生光明磊落有古君子風後毅可先生謂
離同鄉諸君紛乞解職惟會計徐某未動先生竊疑往徵其故徐謂

鳶飛先生行略

鳶飛先生余族兄也世居我鎮橫街父諱灝字若愚保定軍校畢業母姜氏出先生弟妹三人先生居長幼聰慧讀書每試列前茅後畢業于上海大夏大學娶烏巖盧志筠女士婚後應黃巖女師校長奚繼武聘執教半年嗣奚他調先生亦辭會里人毛毅可先生長鞏縣兵工廠邀先生任物料庫長嘗赴滬採購鋼材機件等物廠內諳于世事者目爲肥差意謂先生歸來必將肥馬輕裘既而先生抵瀘中外廠商摺客屬集咸以回扣及厚儀爲餌欲引先生合污先生終不爲聽惑据理成交衆商莫不驚詫而誠服返廠後毅可先生贊許各至黠者私謂愚生愚且迂矣回扣爲中外商場慣例非干國法何峻拒乃爾而賢者則咸稱先生光明磊落有古君子風後毅可先生調離同鄉諸君紛乞解職惟會計徐某未動先生竊疑往徵其故徐謂

先生曰當今用人差亂無章主管一調人事隨之換班唯會計不隨
沉浮先生受教之餘旋亦考入中央計政學院畢業後分發中央司
法部工作有年三九年間毅可生籌組昆明兵工廠特邀先生往
助不期籌備處內部意見紛歧先生目睹官場傾軋之狀即拂袖歸
重慶任軍需學校教官四零年秋余欲去延安抵重慶先生見面喜
極時重慶歸大不易先生四口之家收入菲薄僅堪溫飽而待余則
溫厚有加四一年皖南事變日寇又曾陷黃岩余滯留重慶入陝無
望徬徨間乃求教於先生先生云男兒報國豈僅延安吾可助汝返
浙未幾有兵船去鄂余遂附舟別先生返里嗣先生亦獲故友之招
就軍政部會計處上校設計專員自此始稍展宏才日寇降後先生
隨部挈眷還京明年余重謁先生於秣陵言談間見先生無復昔日
豪情顧余而言曰余從政幾二十年碌乚無所建樹爲人作嫁終非

良策不若他圖日前已應故人童襄聘任上海東南航業公司襄理
方欲物色助手汝來借往可耳余遂得重聆教益按東南航業公司
乃黃巖楛商醜資所創多小型船隻力薄不堪競爭因急欲添置大
船會有人以八千噸巨輪求售所附外文檔案公司秘書等人不能
勝譯事而求諸他處尤難應急先生即慨然攬爲己任漏夜以赴不
假手辭書等工具從容執筆譯後交余騰清平明竟其功全文流暢
可解公司上下莫不視先生爲非常人其時克安流寓滬上推轂無
人順昌亦自故鄉來瀘謀生先生量才推薦各得其所其獎掖後進
靡不盡心力族祖哲夫公病逝上海身後蕭然缺金待葬事聞於先
生遂苦思求策終解其急先生雖無石季倫之財而恨無廣廈千萬
間大庇天下寒士之志不遜前賢余隨先生數載類此之舉不可勝
記解放前夕先生返杭州故居嗣歸寧溪五一年後先後應聘任就

先生曰當今用人差亂無章主管一調人事隨之換班唯會計不隨
沉浮先生受教之餘旋亦考入中央計政學院畢業後分發中央司
法部工作有年三九年間毅可生籌組昆明兵工廠特邀先生佐
助不期籌備處內部意見紛歧先生目睹官場傾軋之狀即拂袖歸
重慶任軍需學校教官四零年秋余欲去延安抵重慶先生見面喜
極時重慶歸大不易先生四口之家收入菲薄僅堪溫飽而待余則
溫厚有加四一年皖南事變日寇又曾陷黃岩余滯留重慶入陝無
望傍徨間乃求教於先生先生云男兒報國豈僅延安吾可助汝返
浙未幾有兵船去鄂余遂附舟別先生返里嗣先生亦獲故友之招
就軍政部會計處上校設計專員自此始稍展宏才日寇降後先生
隨部挈眷還京明年余重謁先生於秣陵言談間見先生無復昔日
豪情顧余而言曰余從政幾二十年碌乚無所建樹爲人作嫁終非

良策不若他圖日前已應故人童襄聘任上海東南航業公司襄理
方欲物色助手汝來偕往可耳余遂得重聆教益按東南航業公司
乃黃巖枯商醜資所創多小型船隻力薄不堪競爭因急欲添置大
船會有人以八千噸巨輪求售所附外文檔案公司秘書等人不能
勝譯事而求諸他處尤難應急先生即慨然攬爲己任漏夜以赴不
假手辭書等工具從容執筆譯後交余謄清平明竟其功全文流暢
可解公司上下莫不視先生爲非常人其時克安流寓滬上推轂無
人順昌亦自故鄉來瀘謀生先生量才推薦各得其所其獎掖後進
靡不盡心力族祖哲夫公病逝上海身後蕭然缺金待墓事聞於先
生遂苦思求策終解其急先生雖無石季倫之財而恨無廣厦千萬
間大庇天下寒士之志不遜前賢余隨先生數載類此之舉不可勝
記解放前夕先生返杭州故居嗣歸寧溪五一年後先後應聘任沈

陽大連等地高校副教授五七年以還反右文革政治風云疊起先生歷劫難逾不堪困厄幸鄧公主政日月重光先生方得以復職八年五年退休還鄉先生身歷數十年風刀霜劍餘悸特深每欲獨善其身親朋無敢或親里人不解先生隱痛誤爲矯情頗多物議鄉居數載落匕寡歡後又遷返上海九四年謝世距生於一九零七年四月十五日終年八十八歲有子四味楷明午佛軍正之女四介眉介六介珍介平皆大專畢業供職當代余與先生誼介師友之間才薄名卑固未敢爲先生傳縱觀先生固無驚天動地之業然畢生清介自持不甘儕俗雖富貴貧賤威武未嘗改其志且趨人之急甚己之私厚施薄望而終不伐其功不歆其德風節足傳千古矣

公元一九九五年冬

族弟天永謹撰

王君天右傳

天右字志義與余總角交七十余年相契無間君父琴泉先生善權子母設肆橋亭售南北貨譽重商場母趙氏育子女八人君最幼盡得愛撫童年嗜玩傷一目致眇抱恨終身一九三六年考入浙江省立寧波高級工業學校攻讀機械勤奮卓絕三年之間六次奪魁所獲獎學金抵付學雜費飲食等資尚綽然有餘師友莫不稱羨抗戰初期甯溪青年學生組織積進社君爲發起者之一旨在宣傳抗日救國大義嘗去烏岩頭陀等地巡迴演出深得群眾嘉許曾出大型牆報三期內容每多切中時弊當局因之休目三九年高工畢業校方特荐至江山浙贛路機務段工作其時國內油燃料奇缺舶來品又斷君乃發憤探索植物油精煉技術期有所獲取代於麗水植物油廠期間嘗多突破屢得嘉獎四一年間以父病回里克紹箕裘重

管南北貨業自此應接紛繁商場魚龍混雜稍一失慎即噬臍莫及
解放後果爲所累陷縲綫近十年歸來背駝齒脫當年英氣盡失鄉
居碌匕徒勞升斗之給幾三十餘載九四年春我族十修宗譜君應
聘顧問日臨編委親理舊譜文字分門別類務求不漏日常兼管財
務報銷偶遇不合輒不假詞色任怨任勞不計得失編委循通例月
給薄酬亦悉數歸還同仁莫不推重不期積勞引發宿疾藥石罔效
於九五年古歷五月初二日大歸享年七十七歲終不及見譜事之
竟易簣前猶耿匕未忘可謂鞠躬盡瘁嗚呼自古英彥每多蹭躓有
其才而無緣盡其用時乎天乎余惶然尤不勝其悲矣

一九九六年春

族弟天永謹撰